

摘藻堂四庫全書薈要

史部

欽定四庫全書薈要

史部

御批通鑑綱目卷十八

詳校官編修臣汪鏞



欽定四庫全書薈要卷七千三百二十九

史部

御批資治通鑑綱目卷十八

起乙丑晉惠帝永興二年

盡戊寅晉元帝太興元年

凡十四年

年

漢元熙二年

夏四月張方復廢羊后

書法

羊氏於是三廢矣先是廢與復皆書皇后羊氏此其直書羊后何畧之也曷為畧之後有

書漢立妃羊氏為后者此其人也故畧之終綱目書后為臣所廢者三魏張氏晉賈氏羊氏未有三

黜如羊

氏者矣

○秋七月東海王越自領徐州都督傳檄討張方

東海中尉劉洽以張方劫遷車駕勸東海王越討之  
越傳檄山東糾率義旅迎天子還舊都徐州長史王  
脩說刺史東平王楙以州授之越乃以司空領徐州  
都督楙自為兗州刺史於是范陽王虓及王浚等共  
推越為盟主越輒選置質實東海國名注見秦二世  
刺史以下朝士多赴之二年鄭徐州注見秦始  
皇二十八年彭城東平國名注見漢獻帝興平  
元年范陽國名注見漢帝玄更始二年涿郡

# 成都故將公師藩寇掠趙魏

成都王穎既廢河北人多憐之其故將公師藩等自  
稱將軍起兵趙魏衆至數萬初上黨武鄉羯人石勒  
有膽力善騎射并州大饑東嬴公騰執諸番於山東  
賣充軍實勒亦被掠賣為茌平人師懽奴懽奇其狀  
貌而免之勒乃與牧帥汲桑結壯士為羣盜及藩起  
桑與勒帥數百騎赴之桑始命勒以石為姓勒為名



藩攻陷郡縣轉前攻鄴范陽王廙遣其將苟晞擊走之

### 集覽

公師復姓也羯人石勒漢書注羯本

匈奴別部散居上黨武鄉羯室因號焉案載記石勒字世龍初名閒軍實謂車徒器械芻糧之類在平漢

地志泰山有茌縣在通作茌仕疑反今博州在平

正

縣地案博州今東昌府是牧帥渭北馬牧之主帥

誤

牧帥今按通鑑本文石勒賣為茌平人師懼奴懼家隣於馬牧勒與牧帥汲桑為盜及公師藩起兵

趙魏桑等赴之在平屬冀州在山

質實

上黨郡名注見周報王五

東有牧苑何以為渭北之牧帥也

十三年武鄉縣名注見元帝太興四年一統志云在

平秦之縣名屬東郡漢因之東漢屬濟北國三國魏

屬平原郡晉末始治聊城縣界興利鎮後齊廢入聊

城唐武德間復置貞觀初省金時劉豫復置元仍舊

本朝因之改屬東

昌府苟晞山陽人

書法

凡書故將子義也此其書寇何成都將也寇藩所以寇穎也是故楚逆賊也利幾以楚故

將書反穎反寇也公師藩以穎故將書寇綱目之予奪嚴矣終綱目書故將七詳漢高帝五年惟利

幾公師藩

非予辭

八月東海王越范陽王虓發兵西豫州刺史劉喬拒之

太宰顓遣張方助喬冬十月襲虓破之

東海王越留琅邪王睿以平東將軍監徐州軍事守下邳睿請王導為司馬委以軍事越帥甲卒三萬西屯蕭縣范陽王虓自許屯於滎陽越承制以豫州刺史劉喬為冀州使虓領豫州喬以虓非天子命發兵拒之虓以劉琨為司馬越以劉蕃為淮北護軍劉輿為潁川太守喬上尚書列輿兄弟罪惡因引兵攻虓

於許遣其子祐拒越於靈壁東平王楸在兗州徵求  
不已郡縣不堪命虓遣荀晞還兗州徙楸青州楸不  
受命與劉喬合顓聞山東兵起甚懼表成都王穎都  
督河北諸軍事復鎮鄴詔越等各就國越等不從顓  
得喬上事下詔稱劉興霄虓造逆其令鎮南將軍劉  
弘征東將軍劉準與喬并力以張方為都督共會許  
昌誅興兄弟使穎與石超等據河橋為喬繼援弘遺  
喬及越書使解怨釋兵同獎王室皆不聽弘又上表  
曰自頃兵戈紛亂構於羣王嗣其反而互為戎首載  
籍以來骨肉之禍未有如今者也萬一四夷乘虛為  
變此亦猛虎交鬪自效於卞莊者也謂宜速詔越等  
令兩釋猜疑各保分局自今有擅興兵馬者天下共  
伐之時顓方拒闕東倚喬為助不納喬乘虛襲許破  
之琨輿及虓俱奔河北弘以張方殘暴知穎必敗乃  
帥諸軍受

越節度

### 集覽

蕭漢地志沛郡有蕭縣括地志云徐  
州蕭縣古蕭叔國春秋為宋附庸上

尚書劉喬封上劉興兄弟罪惡於尚書省靈壁孟康  
曰故靈壁小城在彭城南括地志云故城在徐州符  
離西北九十里今宿州靈壁縣是載籍竹簡也以之  
記載故曰載籍猛虎交關自效於卞莊卞莊春秋魯  
卞邑大夫莊子也史記陳軫傳秦惠王曰今韓魏相  
攻救之便勿救便陳軫對曰卞莊刺虎聞於王者乎  
卞莊欲刺虎館豎子止之曰兩虎方且食牛食甘必  
鬪鬪則大者傷小者死從傷而刺之一舉必得雙虎  
莊子然之有頃二虎果鬪大傷小死莊子從傷者刺  
之果有雙虎之功今韓魏相攻是必大國傷小國亡  
從傷而伐之一舉必有兩實今劉

**質實**

下邳縣名注見漢高帝六

年蕭縣注見漢帝玄更始二年許縣名注見漢獻帝  
建安元年許昌滎陽縣名注見秦莊襄王元年劉喬  
南陽人劉琨中山魏昌人一統志云靈壁漢之縣名  
屬沛郡晉屬雕州隋陞為虹州唐初改虹縣後廢為

零壁鎮宋元祐初改鎮為縣政和中改零壁曰靈壁屬宿州元省入泗州後復置靈壁縣屬宿州本朝因之改屬鳳陽府劉弘沛人許昌縣名注見漢獻帝建安元年豫州注見周赧王三十七年陳

有星孛于北斗○十一月將軍周權矯詔立羊后事覺

伏誅

於是太宰顓矯詔敕留臺賜后死司隸校尉質實劉  
劉暉上奏固執得免顓欲收暉暉奔青州

掖人毅之子青州注  
見漢桓帝永康元年

書法

羊后為臣所廢則立之正也書伏誅何矯詔也綱目書矯多矣然皆事成者也綱目僅得

以矯書之示民有君而已未有以見矯之當誅也於是周權矯詔而敗然後綱目正名其罪書曰伏

誅所以明矯詔之罰為後世戒  
使知凡書矯者皆當誅者也

**發明**

羊后廢不以罪則復之者正也然周權事覺  
乃以伏誅書之何哉皇后天下之母也權以

偏校乃欲矯詔立之

非其義矣不誅何待

十二月成都王穎據洛陽○范陽王虓自領冀州刺史

擊穎將石超斬之劉喬衆潰

劉琨說冀州刺史溫羨使讓位於范陽王虓虓遣琨  
乞師於王浚遂引兵濟河擊斬石超於滎陽東迎越  
又擊劉祐於譙殺  
**質實** 溫羨太原祁人恢之孫譙縣  
名注見漢獻帝建安十四年  
之喬衆潰而走

東海王越進屯陽武王浚遣將祁弘將兵助之質實

陽武

縣名注見秦始  
皇二十九年

○陳敏據江東劉弘遣江夏太守陶侃

# 將兵討破之

初敏既克石冰自謂勇畧無敵遂據歷陽以叛吳王  
常侍甘卓棄官歸敏為子景娶卓女使卓假稱皇太  
弟令拜敏揚州刺史又使錢端等南畧江州弟斌東  
畧諸郡遂據江東以顧榮為右將軍賀循為丹陽內  
史周玘為安豐太守豪傑名士咸加收禮循佯狂得  
免玘亦稱疾敏疑諸名士不為己用欲盡誅之榮曰  
將軍神武不世若能委信君子散蒂芥之嫌塞讒諂  
之口則上方數州可傳檄而定不然終不濟也敏乃  
止太宰顓以張光為順陽太守帥步騎討敏劉弘遣  
江夏太守陶侃屯夏口又遣南平太守應詹督水軍  
以繼之侃與敏同郡又同歲舉吏或謂弘曰侃脫有  
異志則荊州無東門矣弘曰侃之忠能吾得之已久

必無是也侃聞之遣子洪詣弘以自固弘引為參軍  
資而遣之曰匹夫之交尚不負心況大丈夫乎敏遣  
陳恢寇武昌侃禦之以運船為戰艦或以為不可侃  
曰用官船擊官賊何為不可侃與恢戰屢破之又與  
皮初張光共破錢端於長岐或說弘曰張光太宰腹  
心公既與東海宜斬光以明向背弘曰宰輔得失豈  
張光之罪危人自安君子弗為也乃表光勲乞加遷擢

集覽

蒂芥之嫌賈誼賦細故蒂芥何足以

疑又司馬相如賦胷中曾不蒂芥顏師古曰蒂芥  
刺鯁也郭璞云不蒂芥言不覺有也蒂丑芥反質

實

歷陽縣名注見漢冲帝永嘉元年一統志云顧榮  
吳郡人雍之孫賀循會稽山陽人周圯陽羨人處

之子順陽漢之縣名屬南陽郡晉置順陽郡治此隋  
廢之故城在南陽府內鄉縣順陽堡南平晉之郡名  
本漢孱陵縣地屬武陵郡建武間置作唐縣晉置郡  
治此陳又析置安鄉縣為義陽郡治隋改作唐曰孱



陵與安縣俱屬澧州唐以孱陵省入安鄉宋元仍舊  
本朝因之改屬岳州府應詹南頓人瑒之弟璩之曾  
孫甘卓丹陽人安豐郡名  
注見漢光武建武七年

漢離石大饑質實

一統志云離石戰國趙之邑名秦屬太原郡漢置離石縣屬西河郡東漢

郡徙治此晉改為西河國後趙改永石郡後魏廢為離  
石鎮北齊置昌化縣及懷政郡兼置西汾州後周改西  
汾為石州又改郡及縣曰離石隋初郡廢大業初州廢  
復置離石郡唐復改石州天寶初為昌化郡乾元初復  
為石州本朝以離石  
縣省入改屬太原府

丙寅 光熙元年

漢元熙三年  
成晏平元年

○春正月朔日食○太宰顓

殺張方成都王穎奔長安

東海王越之起兵也使人說太宰顓令奉帝還洛約與分陝為伯顓欲從之張方自以罪重恐為誅首謂顓曰今據形勝之地國富兵彊奉天子以號令誰敢不從奈何拱手受制於人顓乃止及劉喬敗顓懼欲罷兵恐方不從乃誘方帳下督鄧輔使殺方送首於越以請和越不許遣祁弘等帥鮮卑西迎車駕宋胄等進逼洛陽

### 集覽

分陝為伯漢地志弘農有陝縣唐為陝州伯諸侯之長也分陝事注

穎奔長安

見太安元年

### 質實

陝縣名注見周顯王四十五年

依周呂之法

### 書法

方不書誅不予顓以討也方之罪顓為之

### 發明

張方一死不足以盡其罪蓋正王誅然在顓則不得而誅之也彼其以桀黠之資所以敢

行稱亂殘虐屠戮廢儲后劫天子者誰實使之然哉及事窮勢蹙乃誘其帳下使殺之是豈得為天

討耶夫亂臣賊子法所當誅若已使之已殺之則亦君子之所不予況顯實非能殺張方以正其罪止欲借方首以求成於越耳故特書顯殺以表之所以見方固當誅而非顯之所得誅也若概以書殺論之則失其旨矣

### 三月五苓夷寇寧州刺史李毅卒

寧州頻歲饑疫五苓夷彊盛遂圍州城李毅病卒女秀明達有父風衆推領州事秀獎厲戰士嬰城固守城中糧盡炙鼠拔草而食之質實寧州注見漢武帝伺夷稍怠輒出兵掩擊破之元狩元年李毅鄣

人

夏四月東海王越進屯溫遣祁弘入長安奉帝東還

太宰顓遣兵拒祁弘等於湖弘擊破之遂西入關又敗其兵於霸水顓單馬逃入太白山弘等入長安所部鮮卑大掠殺三萬餘人百官奔散入山中拾橡實食之弘等奉帝乘牛車東還關中皆服於東海王越顓保城

### 集覽

湖注見漢武帝征和二年太白山唐志鳳翔府郿縣有太白山去洋州真符縣

而已  
四百五十里山南隸鳳翔山北隸真符南去長安三百里橡實橡相實也莊子狙公賦茅成玄英疏云茅橡子也似質實

一統志云太白山在鳳翔府郿縣東南四十二里霸水注見秦王政二十

二年

## 六月至洛陽復羊后○成都王雄稱成皇帝

雄即帝位國號大成追尊父特曰景皇帝初范長生詣成都雄門迎執版拜為丞相尊之曰范賢至是以

為天地太師時諸將恃恩互爭班位尚書令閭式請考漢晉故事立百官制度從之

**集覽**

執版按漢

書注版

詔書也

秋七月朔日食○八月以東海王越為太傅錄尚書事

范陽王虓為司空鎮鄴

越以庾敳為軍諮祭酒胡毋輔之為從事中郎郭象為主簿阮脩為行參軍謝鯤為掾敳等皆尚虛玄不以世務嬰心縱酒放誕敳殖貨無厭象薄行好招權越皆以其名重辟之

**集覽**

庾敳姓名敳五來反

**質實**

庾敳潁川人胡毋輔之泰山人郭象河南人阮脩陳留尉氏人謝鯤陽夏人

荊州都督新城公劉弘卒

時天下大亂弘專督江漢威行南服事成則曰某人  
之功如敗則曰老子之罪每有興發手書守相丁寧  
款密人皆感悅爭赴之咸曰得劉公一紙書賢於十  
部從事辛冉說弘以從橫之事弘怒斬之至是卒謚  
曰**集覽**得劉公一紙書賢於十部從事賢猶言勝也  
元部從事都督屬官秩百石先是每有興發必  
敕部從事分行所屬催督惟劉弘則以手書徵之無  
擾而易集故云賢也王導常敕八部從事行揚州郡  
國**質實**新城郡名注見漢獻帝建安二十四年房陵

九月頓丘太守馮嵩執成都王穎送鄴兗州刺史荀晞  
擊斬公師藩冬十月范陽王虓卒長史劉輿誅穎

祁弘之入關也成都王穎自武關奔新野會劉弘卒  
司馬郭勣作亂欲奉穎為主不克而誅遂北濟河收

故將士欲赴公師藩頓丘太守馮嵩執送鄴范陽王  
廙幽之而荀晞亦擊斬藩十月廙卒長史劉輿以頴  
素為鄴人所附偽稱詔賜死頴官屬皆先逃散惟盧  
志不去至是收而殯之太傅越召為軍諮祭酒越又  
將召輿或曰輿猶賊也近則汚人及至越疎之輿密  
視天下兵簿及倉庫牛馬器械水陸之形皆默識之  
每會議應機辨畫越傾膝酬接即

**質實**

武闔注見周  
赧王四年頓

丘郡名注見漢  
武帝元光三年

**書法**

於是劉輿矯詔不書書誅  
重罪頴也反賊人得誅之

十一月帝中毒崩太弟熾即位尊皇后曰惠皇后立妃

梁氏為皇后

帝食麤中毒而崩或曰太傅越之鵠也羊后自以於  
太弟熾為嫂恐不得為太后將立清河王覃侍中華  
混露板馳告太傅越召太弟入宮即帝位尊后曰惠  
皇后居弘訓宮懷帝始遵舊制於東堂聽政每至宴  
會輒與羣臣論衆務考經籍黃門侍郎傅宣歎曰今日復見武帝之世矣

**集覽**

露板注見齊武帝永

年明六

**發明**

嗚呼人莫知其子之惡莫知其苗之碩故必有堯舜之聰明乃能知朱均之不肖舉天下

而授之舜禹此二帝所以為萬世之聖人也晉惠庸愚人皆知之晉武溺於所愛不能於子弟中擇賢而立遂使禍亂交作四海分崩綱目於惠帝之事初無貶詞然今年書弒太后明年書殺太子又明年書遷帝于金墉書廢皇后太子至於又奉帝討張方也越奉帝征頴也張方遷帝長安也祁弘



奉帝東還也莫不悉書於冊於此見晉惠之為君動輒制於他人之手如嬰兒玩弄於股掌之上欲東而東欲西而西莫適為主特一木偶人而已是以始焉不保母后次焉不保妻子終焉不保其身是皆庸愚之故也夫以漢質帝之幼冲食餅中毒尚能急召大臣了了言之故綱目得以正梁冀之誅今晉惠歷年許久乃莫能一言故雖或者以為越之所鳩然綱目不明其故直以中毒書之蓋欲使後人知其庸繆雖其身之大禍且莫能知所以戒有國者置嗣不可不謹賢愚不可不察此聖人公天下之道也

## 十二月朔日食

書法

於是一歲三食世道何如哉綱目書一歲再食二十有五詳漢初丁酉年一歲三食千三

百六十一年  
一書而已矣

○南陽王模誅河間王顥

太傅越以詔徵顥為司徒顥就徵模自許昌遣將邀殺之

**質實**

許昌縣名注見漢獻帝建安元年

**書法**

於是詔徵顥模要殺之不書書誅重罪顥也

**發明**

顥頽煥禍天下傾覆故雖假手於人皆正其誅

**葬太陽陵質實**

一統志云太陽陵在河南府洛陽縣境內

○以劉琨為并州

**刺史**

劉輿說太傅越遣琨鎮并州以為北面之重而徙東嬴公騰鎮鄴越從之琨至上黨騰即自井陘東下時

并州饑饉數為番人所掠吏民萬餘人悉隨騰就穀  
冀州號為乞活所餘戶不滿二萬寇賊縱橫道路斷  
塞現募兵上黨得五百人轉鬪而前至晉陽  
府寺焚毀邑野蕭條琨撫循勞徠流民稍集  
注見愍帝建興四年并陘縣名注見秦王政十八年  
冀州注見秦二世二年信都國上黨郡名注見周赧  
王五十三年晉陽郡名注  
見周威烈王二十三年

丁卯 孝懷皇帝永嘉元年 漢元熙四年 春二月羣盜王彌寇青

徐

初撥令劉伯根反王浚討斬之其長史王  
彌遂為羣盜至是寇青徐殺東萊太守  
集覽 按縣名音

堅又音弦字或從心刊誤也漢  
地志東萊有掖縣古掖侯國  
質實 一統志云掖古  
掖侯國之邑名

春秋戰國俱屬齊秦屬齊郡漢置掖縣屬東郡晉宋仍舊北齊省之故城在登州府黃縣南一百二十五里

### 三月陳敏將顧榮周玘殺敏以降

陳敏刑政無章子弟凶暴顧榮周玘等憂之廬江內史華譚遺榮等書曰陳敏盜據吳會命危朝露今皇輿東迈俊彥盈朝將舉六師以清建業諸賢何顏復見中州之士邪榮等素有圖敏之心及見書甚慙密遣使報征東將軍劉準使發兵臨江已為內應剪髮為信準遣揚州刺史劉機等討敏敏使其弟景將兵屯烏江宏屯牛渚玘密使敏司馬錢廣殺景因勒兵朱雀橋東敏遣甘卓討廣榮慮敏疑之故往就敏敏曰卿當四出鎮衛豈得就我邪榮乃出與玘共說卓曰敏既常才政令反覆其敗必矣而吾等安然受其

官祿事敗之日使江西諸軍函首送洛題曰逆賊顧  
榮甘卓之首此萬世之辱也卓遂詐稱疾迎女斷橋  
收船南岸與玘榮及紀瞻共攻敏敏自帥萬餘人討  
卓軍人隔水語敏衆曰本所以戮力陳公者正以顧  
丹陽周安豐耳今皆異矣汝等何為敏衆狐疑未決  
榮以白羽扇麾之衆皆潰去敏單騎走追斬之夷三  
族傳首京師詔徵顧榮為侍中瞻為尚書郎太傅

集

越辟玘為參軍

榮等至徐州聞北方愈亂逃歸

覽

鳥江注見漢高帝五年朱雀橋金陵覽古曰晉孝  
武建朱雀門上有兩銅雀故橋亦以此得名去烏

衣巷

質實

廬江郡名注見漢景帝五年一統志云吳  
會郡名世稱吳門為吳會謂其地本吳會

不遠

稽二郡也

又注見漢獻帝建安十二年牛渚注見武

帝太康元年朱雀橋在應天府南烏衣巷口錢廣義

興人紀瞻丹

陽秣陵人

書法

敏嘗書討矣於是斬之則其不書誅何顧周

周失身從敏今而殺之僅足以自贖耳固不可予之以討也書曰陳敏將顧榮周玘其為失身者之戒凜凜矣然則東越亦從反者既而誅凜則何以書誅越人也綱目不治外蕃而責備賢者不治外蕃故書越人誅凜以開自新之塗責備賢者故書敏將殺敏以示失身之戒

# 西陽夷寇江夏

西陽夷寇江夏太守楊珉請督將議之諸將爭言方畧騎督朱伺獨不言珉曰將軍何以不言伺曰諸人以舌擊賊伺惟以力耳珉又問將軍前後擊賊何以常勝伺曰兩敵共對惟當忍之彼不能忍我能忍是以勝耳

集覽

西陽今黃州是秦置南郡漢屬江夏晉為西陽國宋為西陽郡齊分西陽為齊

珉善之

安郡隋改黃州

**質實**

一統志云西陽古地名春秋時屬黃國後屬楚楚徙邾君於此又名邾城秦屬

南郡漢為西陵縣及邾縣地屬江夏郡三國時魏為重鎮後屬吳晉屬弋陽郡又析置西陽國東晉以邾城為豫州治所宋為西陽郡南齊分置齊安郡北齊兼置衡州陳罷州後周復置隋改為黃州大業初改為永安郡唐初復置黃州天寶初改永安郡乾元初復為黃州並治黃岡縣中和初徙治邾城宋遷州治江濱今府治是也元為黃州路隸河南行省本朝改為黃州府屬湖廣道

立清河王覃弟詮為皇太子○太傅越出鎮許昌

帝親覽大政留心庶事越不悅固求出藩

**書法**

於是越固求出鎮帝從之不書詔越書越出鎮何越專也越之出入自己無君甚矣書罪

之也是故太傅越專則書太傅越出鎮許昌徐溫專則書徐溫出鎮潤州綱目之筆削嚴矣哉終綱目書出鎮四是年武帝太元十年安帝義熙元年後梁乙亥年惟劉裕上書以無譏焉

以南陽王模都督秦雍等州軍事考異

提要無等州二字

○夏

五月羣盜汲桑石勒入鄴殺都督新蔡王騰復攻兗州

太傅越遣苟晞討之

公師藩既死汲桑逃還苑中更聚衆聲言為成都王報仇以石勒為前驅所向輒克遂進攻鄴時鄴中空竭而新蔡王騰資用甚饒性吝嗇無所振惠臨急乃賜將士米各數升帛各丈尺以是人不用桑遂入鄴殺騰燒宮大掠而去南擊兗州太傅越使苟晞等討之勒晞等相持數月大小三十餘戰互有勝負



質實

新蔡國名注見漢宣帝甘露三年

書法

書入書殺易辭也無備甚矣然則何以書都督咎騰也書都督則曷為咎之若曰身為都

督盜得入而殺焉

有愧斯名多矣

秋七月以琅邪王睿為安東將軍都督揚州諸軍事鎮

建業

睿至建業以王導為謀主推心親信每事咨焉睿名論素輕吳人不附居久之士大夫莫有至者會睿出觀禊導使睿乘肩輿具威儀導與諸名勝皆騎從紀瞻顧榮等見之驚異相帥拜於道左導因說睿曰顧榮賀循此土之望宜引之以結人心二子既至則無不來矣睿乃使導躬造之循榮皆應命以循為吳國

內史榮為軍司加散騎常侍凡軍府政事皆與之謀  
又以紀瞻為軍祭酒卞壺為從事中郎周玘劉超張  
闓孔衍皆為掾屬導說睿謙以接士儉以足用以清  
靜為政撫綏新舊故江東歸心焉睿初至頗以酒廢  
事導以為言睿命酌集覽名論名譽議論也襟注見  
引觴覆之於此遂絕漢高皇后八年被闓與開  
通質實卞壺濟陰人粹之子劉超琅邪  
人孔衍魯人孔子二十二世孫

荀晞擊汲桑石勒大破之桑走死勒降漢

荀晞追擊汲桑破其八壘死者萬餘人桑奔馬牧為  
人所殺石勒奔樂平太傅越加晞都督青兗諸軍事  
晞屢破彊寇威名甚盛善治繁劇用法嚴峻其從母  
依之奉養甚厚其子求為將晞不許曰吾不以王法  
貸人將無後悔邪固求之乃以為督護後犯法晞杖  
節斬之從母叩頭救之不聽既而素服哭之曰殺卿

者兗州刺史哭弟者苟道將也蕃部大張胃督等擁衆壁於上黨石勒往從之因說胃督等與俱歸漢漢

王淵以勒為護

**集覽**

馬牧地名在渭北樂平今太原

漢將軍平晉王

平定州樂平縣是括地志云樂

平縣城漢沾縣城也道將苟晞表字蕃部大張胃督蕃部蕃人之部落也姓大張名胃督音佩

**正**

**誤**

馬牧今按說見前胡部大張胃督今按大酋長上聲也蕃人一部之長呼為部大姓張氏後第二十

卷有南

**質實**

一統志云樂平漢之縣名屬東郡東漢省之故城在東昌府堂邑縣東南三十

羅大

里後趙汲桑石勒與晉苟晞戰於平原陽平間為晞所敗桑奔馬牧勒奔樂平即此

**冬十一月朔日食○以王衍為司徒**

衍說太傅越曰朝廷危亂當賴方伯宜得文武兼資以任之乃以弟澄為荊州都督族弟敦為青州刺史

語之曰荊州有江漢之固青州有負海之險卿二人在外而吾居中足以為三窟矣澄至鎮日夜縱酒不視庶務雖寇戎交急不以為懷

**集覽**

方伯注見漢哀帝建平四年

# 太傅越自領兗州牧徙荀晞為青州刺史

初越與晞親善引升堂結為兄弟司馬潘滔說越曰兗州衝要魏武以之創業晞有大志非純臣也若遷之青州公自牧兗州經緯諸夏藩衛本朝此所謂為之於未亂者也越以為然自領兗州牧以晞為征東大將軍青州刺史越晞由是有隙晞至青州以嚴刻立威日行斬戮州人謂之屠伯

**質實**

張九韶曰

晉時兗州治濮陽注見周安王五年青州治臨淄注見漢桓帝永康元年

# 王彌及其黨劉靈降漢

靈少貧賤力制犇牛走及犇馬時人雖異之莫能舉也靈撫膺歎曰天乎何當亂也及公師藩起靈自稱將軍寇掠趙魏與王彌俱降漢

慕容廆自稱鮮卑大單于○拓跋祿官卒考異

按崩葬例曰凡

酋長死不書卒

弟猗廬摠攝三部與慕容廆通好

書法

始去索頭書卒進之也曷為進之弟猗廬將以助晉封故進之

戊辰二年

漢永鳳元年

春正月朔日食○漢劉聰據太行石勒

下趙魏王浚擊勒破之質實

太行山名注見周安王十六年趙郡名注見漢景帝

三年趙國魏郡名注  
見漢成帝綏和二年

○二月太傅越殺清河王暉

書法

清河王暉故太子也不書故太子何太子之立之廢非惠帝意也故從其恒稱

○夏五月漢王彌寇洛陽張軌遣督護北宮純入衛擊

破走之

王彌收集亡散兵復大振分遣諸將攻陷郡縣遂入  
許昌張軌遣督護北宮純將兵衛京師彌入自轅轅  
敗官軍於伊北遂至洛陽王衍督軍出戰北宮純募  
勇士百餘人突陳彌兵大敗燒建春門而東衍遣左  
衛將軍王秉追之戰於七里澗又敗之彌走平陽漢  
王淵遣侍中郊迎令曰孤親行將軍之館拂席洗爵  
敬待將軍及至拜司隸校尉詔封張軌西平郡公  
軌辭不受特州郡之使莫有至者軌獨貢獻不絕

集

覽

北宮複姓也親行  
行下孟反臨幸也

質實

張軌烏氏人輟輟關名注  
見秦二世三年伊北即伊

水之北注見漢高后三年一統志云七里澗在河南  
府陝州西南七里今名石橋溝北流入河漢獻帝東  
遷李催郭汜等追乘輿戰於東澗天子幸曹陽墟  
即此地西平郡名注見漢宣帝元康四年湟中

書法

書入衛何予義也於是王衍督師純募勇士  
突陳王彌大敗衍復遣王東追敗之不書書

純予義也書入衛始此終綱目書入衛三北宮純  
何倫謝尚惟北宮純以功書書兵入援十二詳慙

帝建興四年赴難三詳成帝咸和  
四年書詣某所三詳永嘉六年

秋七月漢徙都蒲子質實

一統志云蒲子古地名春秋  
時屬晉戰國時屬魏為西河

地秦屬河東郡漢為河東郡蒲子縣晉時劉淵據此後  
魏改長壽縣後周於此置汾州及龍泉郡隋初廢郡改

西汾州尋改隰州及改縣曰隰川大業初復為龍泉郡  
唐初復為隰州後改太寧郡乾元初復為隰州宋金元  
仍舊本朝以隰川縣  
省入改屬平陽府  
○冬十月漢王淵稱皇帝○十二

月漢石勒劉靈寇魏汲頓丘

勒靈帥衆三萬寇三郡百姓望風降附者五十餘壘  
皆假壘主將軍都尉印綬簡其彊壯五萬為軍士老  
弱安堵  
集覽 魏汲魏注見漢成帝綏和二年汲注見  
如故 秦莊襄王三年頓丘注見漢武帝元光  
三年安堵應劭曰喻人皆  
安然如墻堵之不遷動也

成尚書令楊褒卒

褒好直言成主雄初得蜀用度不足諸將有以獻金  
銀得官者褒諫曰陛下設官爵當網羅天下英豪何



有以官買金  
邪雄謝之

# 書法

借國臣爾其卒之何錄賢也苟賢矣雖借國必錄之終綱目卒借國臣二十有二晉世居

九成楊褒范長生漢劉殷後趙張賓秦苻雄王猛  
燕李續慕容恪凉宋混五代居十三馬唐張承業

蜀王宗儁吳陳彥謙徐溫漢楊洞潛趙光裔閩劉  
贊漢劉承訓唐李建勳周馮道鄭仁誨王朴唐柴

宏克

已三年

漢河瑞元年

春正月朔熒惑犯紫微集覽

熒惑索隱曰按姚氏

引廣雅云熒惑執法之星春秋緯文耀鉤云赤帝熒怒之神為熒惑位在南方禮失則罰出正義曰天官占云熒惑其行無常以其舍命國為殘賊為疾為喪為饑為兵環繞勾已芒角動搖乍前乍後其殃愈甚大鴻臚之

象主甲兵大司馬之義伺驕奢亂孽執法官也其精為風伯惑童兒歌謠嬉戲也紫微天官書中宮天極星其一明者太一常居也云云皆曰紫宮索隱曰春秋合誠圖云北辰其星五在紫微中紫微大帝室太乙之精也元命苞云紫之言此也宮之言中也言天神運動陰陽開閉皆在此中

### 書法

非日食不書晦朔此其書朔何記大異也熒惑犯紫微異矣而見於三朝甚大異也故詳

之間一歲而帝遷變不虛生信哉終綱目星變書正月朔者一而已

### 發明

去年日食正旦今茲熒惑又犯紫微是時國柄在越而天變如此書之以見天心仁愛雖

亂世亦未嘗無告戒之意耳越等尚可樂禍而不知懼乎

## ○漢徙都平陽

漢太史令宣于修之以星變言於其主淵曰不出三年必克洛陽蒲子崎嶇難以久安平陽氣象方昌請徙都之平陽郡名注見周質實威烈王二十三年淵從之

### 三月以山簡都督荆湘等州軍事

簡濤之子也嗜酒不恤政事初荊州寇盜不禁詔起劉弘子璠為順陽內史江漢間翕然歸之簡表璠得衆心恐百姓劫以為主詔徵璠為越騎校尉南州由是遂亂父老莫不追思劉弘山簡人劉璠沛人順陽縣名質實注見惠帝永興二年河內

### 太傅越入京師殺中書令繆播帝舅王延等十餘人

越入京師中書監王敦謂所親曰太傅專執威權而選用表請尚書猶以舊制裁之今來必有所誅帝之

為太弟也與繆播善及即位委以心膂帝舅散騎常侍王延尚書何綏太史令高堂冲並參機密劉輿潘滔勸越誅之越乃誣播等欲為亂遣甲士三千入宮執播等十餘人於帝側付廷尉殺之帝歎息流涕而已綏曾之孫也○初何曾侍武帝宴退謂諸子曰主上開創大業吾每宴見未嘗聞經國遠圖惟說平生常事非貽厥孫謀之道也及身而已後嗣其殆乎汝輩猶可以免指諸孫曰此屬必死於難及綏死兄嵩哭之曰我祖其殆聖乎曾曰食萬錢猶云無下箸處子幼日食二萬綏及弟機羨汰侈尤甚與人書疏詞禮簡傲王尼見綏書謂人曰伯蔚居亂世而矜豪乃爾其能免乎人曰伯蔚聞卿言必相危害尼曰伯蔚比聞我言自己死矣及永嘉之末何氏無遺種司馬公曰何曾譏武帝偷惰取過目前不為遠慮知天下將亂子孫必與其憂何其明也然身為僭侈使子孫承流卒以驕奢亡族其明安在哉且身為宰相知其

君之過不以告而私語於家非忠臣也

**集覽**

高堂複姓王尼史炤曰尼音夷

**質實**

何綏陽夏

人王尼城陽人

伯蔚何綏表字

**書法**

入惡辭也殺專辭也播以官書延以親書越之無君甚矣

**發明**

是時海內大亂諸番衝掠上下相與協力扶持猶懼弗濟而越之所為乃爾何哉故書入

則見越之無君書殺則見播等之無罪書中書令書帝舅則見大臣貴戚之不克自保然則越之罪為如何耶剖棺焚尸猶為幸也

**太尉劉寔罷就第**

寔連年請老朝廷不許劉坦言古之養老以不事為優不以吏之為重宜聽寔所守詔寔以侯就第

**質**

實

劉寔平  
原人

以王衍為太尉○太傅越使將軍何倫領國兵入宿衛

越以頃來興事多由殿省乃奏宿衛有侯爵者皆罷之更使將軍何倫王秉領東海國兵數百人宿衛

質實

東海國注見秦  
二世二年鄭

書法

北宮純書入衛矣不書所領此其書領國兵何誅心也於是帝所無非越黨者矣危哉終

綱目書入衛三漢高后二年武帝  
建元六年是年惟何倫非予辭

漢寇黎陽陷之

漢主淵遣劉景將兵攻黎陽克之又敗王堪於延津沈男女三萬餘人於河淵聞之怒曰景何面復見朕

且天道豈能容之吾所欲除者司馬氏耳細民何罪黜之

**質實**

黎陽縣名注見漢獻帝建安四年延

津注見漢獻

帝建安五年

夏大旱

江漢河

洛可涉

漢石勒寇鉅鹿常山

勒衆至十餘萬集衣冠人物別為君子營以張賓為謀主刁膺張敬為股肱夔安孔萇支雄桃豹逯明為爪牙并州諸部落多從之初張賓好讀書閭達有大志常自比張子房及勒徇山東賓謂所親曰吾歷觀諸將無能如此將軍者可與共成大業乃提劍詣軍門大呼請見勒亦未之奇也賓數以策干勒已而皆

如所言由

**集覽**

遠力谷反姓也

**質實**

鉅鹿郡名注見楚義帝元年襄國常山郡名注

見漢光武建武九年張賓中丘人

# 漢寇壺關陷之

漢主淵使王彌與楚王聰共攻壺關以石勒為前鋒都督劉琨遣軍救之不克越遣淮南內史王曠將軍施融拒之曠濟河欲長驅而前融曰彼乘險間出且當阻水為固以量形勢曠怒曰君欲沮衆耶遂踰太行與聰戰於長平大敗皆死壺關降漢

**質實**

壺關縣名注見漢獻帝建安七年太行山名注見周

安王十六年長平縣名

注見周赧王五十五年

# 秋八月漢寇洛陽弘農太守垣延襲敗之



聰等攻洛陽將軍曹武等拒之皆為所敗長驅至  
宜陽自恃驟勝怠不設備垣延詐降夜襲敗之  
質

實

弘農郡名注見周赧王四十五年  
邾宜陽縣名注見周安王十一年

# 冬十月漢復寇洛陽北宮純擊敗之

漢主淵復遣劉聰等寇洛陽屯西明門北宮純等夜  
帥勇士出攻漢壁斬其將軍呼延顯聰南屯洛水而  
大司空呼延翼又為其下所殺衆遂潰歸宣于修之  
言於淵曰歲在辛未乃得洛陽今晉氣猶盛大軍不  
歸必敗淵乃召聰等還聰曜歸平陽彌南出轅轅流  
民之在潁川襄城汝南南陽河南者數萬家素為居  
民所苦皆殺  
質實  
洛水注見漢光武建武三年轅轅  
長吏以應彌  
關名注見秦二世三年潁川郡名  
注見漢靈帝中平元年襄城郡名注見周赧王十五  
年汝南郡名注見漢光武建武十九年南陽郡名注

見秦二世三年河南郡

名注見秦莊襄王元年

四年

漢烈宗劉聰  
光興元年

春正月漢寇徐豫兗冀諸郡○琅邪

王睿以周玘為吳興太守考異

提要吳  
作義

錢璿寇陽羨玘糾合鄉里討斬之玘三定江南琅邪  
王睿以為吳興太守於其鄉里置義興郡以旌之

集覽

璿黃  
外反

質實

陽羨縣名注見漢後主建興六年吳  
興郡名注見宋明帝泰始二年義興

郡注見孝武帝

太元十七年

漢曹嶷寇東平琅邪質實

東平郡名注見漢獻帝興平  
元年琅邪郡名注見漢光武

建武

五年

○夏四月王浚擊漢劉靈殺之

書法

劉靈書寇矣不書討殺何不予浚以討也浚則曷為不予以討浚名為晉臣擁兵觀望不

救國難雖嘗興兵討潁初皆迫不得已既復大掠而還非心乎帝室者矣故綱目以自相攻擊書之

外之甚矣

○蝗○秋七月漢寇河內陷之質實

河內郡名注見漢桓帝延熹九年

漢主淵卒太子和立其弟聰弒而代之

漢主淵寢疾以陳留王歡樂為太宰楚王聰為大司馬大單于並錄尚書事安昌王盛安邑王欽西陽王璿分典禁兵初盛少時不好讀書惟誦孝經論語曰誦此能行足矣安用多誦而不行乎李熹見之歎曰望之如可易及至肅如嚴君可謂君子矣淵以其忠篤故臨終委以要任淵卒太子和即位和性猜忌無

恩宗正呼延攸侍中劉秉西昌王銳說和曰先帝不  
惟輕重之勢使大司馬擁十萬衆屯於近郊陛下便  
為寄坐耳宜早為之計和信之夜召盛欽告之盛曰  
陛下勿信讒以疑兄弟兄弟尚不可信他人誰足信  
哉攸銳怒命左右刃之遂攻聰於單于臺不克銳等  
走入南宮聰前鋒隨之殺和及銳攸乘聰遂即位以  
北海王乂單后之子也以位讓之乂涕泣固請聰遂  
即位以乂為皇太弟領大單于子粲為河內王都督  
中外諸軍事石  
**集覽**單后單姓  
勒為并州刺史音上演反  
**質實**安昌縣名注見  
年安衆安邑郡名注見周威烈王二十三年西陽郡  
名注見永嘉元年一統志云西昌東漢之縣名屬豫  
章郡晉因之後廢之民居故城  
在吉安府泰和縣西三十里

**書法**

書卒書弒如內辭綱目之進漢有不得已  
焉耳據蠻夷書死弒書殺主書卒以晉也

# 氏酋蒲洪自稱畧陽公

洪畧陽臨渭氏酋也驍勇多權畧羣氏畏服之集覽  
漢拜洪平遠將軍不受自稱秦州刺史畧陽公

集覽

蒲洪晉載記曰其家池中蒲生長五丈五節如竹形  
時咸謂之蒲家因為氏馬又隴右大雨謠曰雨若不  
止洪水必起因名曰洪後於晉穆帝永和間以讖文  
有草付應王又以孫堅背有草付字遂改姓苻畧陽  
漢畧陽郡後改縣屬武興郡武興今沔州是有畧陽  
縣臨渭正義曰縣屬畧陽氏酋風俗通云氏本西南  
夷部魚豢魏畧云漢置武都郡排其部人分竄山谷  
或號青氏或號白氏也酋帥也音慈秋反又音囚  
**質實**一統志云畧陽漢之郡名治沮縣晉宋因之元  
魏僞立畧陽縣隸武都郡尋廢之西魏別置興  
州改畧陽縣為順政縣隸焉隋廢州為順政郡唐復  
置興州宋改為沔州元移州治于鐸水仍以畧陽為

屬縣本朝因之改屬漢中府臨渭漢之縣名屬畧陽郡晉末廢之故城在漢中府城西北二百一十里

# 流民王如寇南陽以附漢

雍州流民多在南陽詔書遣還鄉里流民以關中荒殘皆不願歸山簡遣兵促發京兆王如潛結壯士夜襲其軍破之攻城鎮殺令長衆至四五萬自號大將軍稱藩于漢

# 冬十月漢寇洛陽○以拓跋猗盧為大單于封代公

初匈奴劉猛死劉虎代領其衆居新興號鐵弗氏與白部鮮卑皆附於漢劉琨將討之遣使卑辭厚禮說拓跋猗盧以請兵猗盧使其弟弗之子鬱律帥騎二萬助之遂破劉虎白部琨與猗盧結為兄弟表為大單于以代郡封之為代公時代郡屬幽州王浚不許遣兵擊猗盧猗盧拒破之浚由是與琨有隙猗盧以

封邑去國懸遠民不相接乃帥部落萬餘家自雲中  
入鴈門從琨求陁北之地琨不能制且欲倚之為援  
乃徙樓煩馬邑陰館繁峙崞五縣民於陁南以其地  
與之由是倚盧益盛琨遣使言於太傅越請出兵共  
討劉聰石勒越忌苟晞為後患

### 集覽

鐵弗劉虎漢時  
匈奴南單于苗

裔居於新興虎意之北蕃人謂父為鮮卑母為鐵弗  
因以鐵弗為姓其後劉衛辰少子勃勃當後秦姚興  
時鎮朔方襲殺沒奕干而并其衆僭稱大夏天王耻  
姓鐵弗自謂帝王者系與天為子是為徽赫實與天  
連今改姓曰赫連氏其非正統皆以鐵伐為氏庶朕  
宗族剛銳如鐵皆堪伐人也勃勃字屈子小字曰屈  
丐丐彌殄反陁趙世家武靈王攻中山令趙希并將  
胡代趙與之陁徐廣曰陁者山絕之名常山有井陁  
中山有苦陁正義曰陁音刑陁陁山也在并州陁縣  
東西十八里樓煩注見周赧王八年繁峙漢鴈門郡

縣今太原路堅州古繁峙縣也時音止崞漢鴈門郡縣在今太原路崞州是有崞山州東樓煩故城在焉

崞音

質實

新興郡名注見孝武帝太元九年代郡注見楚義帝元年雲中郡名注見秦王政三

年鴈門郡名注同上年馬邑縣名注見漢高帝六年陰館縣名注見安帝隆安二年一統志云陜漢之縣名屬中山郡以陜山得名章帝改為漢昌縣晉末廢之故城在真定府無極縣東北二十八里繁峙漢之縣名屬鴈門郡後魏置繁峙郡後周郡縣並廢東魏僑置武州于此北齊改為北靈州尋廢隋移縣於武州城屬鴈門郡唐又移今治宋屬代州金改為堅州本朝初復為繁峙縣改屬太原府崞漢之縣名屬鴈門郡漢末廢晉復置後魏改為石城縣東魏置廓州於此北齊改為北顯州後周州廢隋改為平寇縣大業初改為崞縣唐屬代州五代梁析置白鹿縣宋省入崞縣元陞為崞州本朝改州為縣仍屬太原府



# 遣使徵天下兵入援

京師饑困日甚太傅越遣使以羽檄徵天下兵使入援京師帝謂使者曰為我語諸征鎮今日尚可救後則無及矣既而卒無至者山簡遣督護將兵入援為王如所敗如遂大掠沔漢進逼襄陽朝議多欲遷都以免避難王衍以為不可賣車牛以安衆心

**質實**

羽檄注見楚義帝元年

漢石勒擊并王如兵遂寇襄陽十一月太傅越率兵討之次于項

越以外寇益盛內不自安乃戎服入見請討石勒帝曰今疆敵侵逼郊畿公豈可遠去以孤根本對曰臣出幸而破賊則國威可振猶愈於坐待困窮也乃帥甲士四萬向許昌留何倫防察宮省以行臺自隨用

王衍為軍司朝賢素望悉為佐吏名將勁卒咸入其府於是宮省無復守衛荒饑日甚盜賊公行府寺營署並掘塹自守越東

**集覽**

項注見漢後主延熙四年

**質實**

張九韶曰晉置

豫州治陳縣領潁川汝南沛郡梁國魯國五郡

**書法**

討未有書率兵者書率兵何罪空國也空國討賊而久次于外越之無討志甚矣於是徵

兵入援未有至者越乃悉率見兵空國而行名為討勒實以自衛卒之倉卒寇至輿衛缺人至於步行不前城陷被執越之誤國可勝誅哉綱目書率兵書次于項所以重罪越也凡討伐書次皆譏也

追遄五月未有如越者焉

寧州刺史王遜滅五苓夷

初李毅死其子釗自洛往州人奉之以主州事遣使詣京師求刺史朝廷乃以遜為刺史既至表釗為朱提太守時寧州外逼於成內有夷寇城邑丘墟遜惡衣菜食招集離散勞徠不倦數年之間州境復安誅豪右不奉法者十餘家

### 集覽

釗之姚反朱提郡名屬益州正義曰音殊匙即

擊滅五苓夷內外震服

漢犍為郡朱提縣也今叙州有朱提山地產銀韓退

之贈崔立之詩我有雙飲醢其銀得朱提於成成謂

李雄僭即帝

### 質實

一統志云王遜魏興人李釗鄆人朱提郡名未詳處所唯叙州府城

位國號大成

西五十二里有朱提山未審是其故址否知者察之其山出銀漢諸葛亮書漢嘉金朱提銀採之不足以自食唐韓愈贈崔立之詩

我有雙飲醢其銀得朱提

## 漢主聰殺其兄恭

漢主聰自以越次而立忌其兄恭殺之

# 漢太后單氏卒

單后年少美色漢主聰烝焉太弟又屢以為言單后慙恚而死又寵由是漸衰呼延后言於聰曰父死子繼古今常道太弟何為者哉陛下百年後聚兄弟必無種矣聰心然之又舅冲謂父曰疎不間親主上有意於河內王矣殿下何不避之又曰天下者高祖之天下兄終弟及何為不可聚等既壯猶今日也且子弟之間親疎距幾主上寧可有此意乎

## 集覽

烝焉春秋釋例

## 質實

河內王謂

劉聚也

辛未五年

漢嘉平元年成王衡元年

春正月漢曹窋寇青州苟晞敗走

集覽

嶽魚力反

質實

青州注見漢桓帝永康元年

○石勒寇江夏陷之考

異

石勒上漏漢字

質實

江夏郡名注見漢後主建興七年武昌

勒謀保據江漢張賓以為不可會軍中饑疫死者大半乃渡沔寇江夏

成寇陷涪梓潼內史譙登死之

初譙周之子居巴西為成太守馬脫所殺其子登詣劉弘請兵復讐弘表登為梓潼內史使自募巴蜀流民得二千人西上攻宕渠斬脫食其肝遂據涪城成人攻之屢為所敗至是三年食盡援絕士民熏鼠食之餓死甚衆無一人離叛者城陷見獲

集覽

宕渠今渠州是

即秦漢巴郡墊江縣宋置宕渠郡酈道元注水經云宕渠水一名潛水一名渝水俗謂渠江在石照縣

北十里涪城注見漢  
**質實** 譙登巴西安漢人梓潼郡  
名注見漢獻帝建安十八

年一統志云宕渠漢之縣名屬巴西郡晉宋俱因之  
後魏改置為流江縣及流江郡梁改置渠州隋初郡  
廢州存大業初改宕渠郡唐初復為渠州天寶初又  
改為隣山郡乾元初復為渠州宋元皆仍舊本朝初  
改州為縣以流江縣  
省入仍屬順慶府

**書法**

死讐也書死之何子義也初登父為成太守  
所害登遂請兵於晉殺守據涪及是城陷不

屈見殺綱目予  
義故特書死之

**湘州流民作亂推杜弢為刺史**

巴蜀流民布在荆湘間為士民所困苦湘州參軍馮  
素與蜀人汝班有隙言於刺史荀眺欲盡誅流民流

民大懼四五萬家一時俱反  
推醴陵令杜弢為湘州刺史

**集覽**

醴陵縣屬長沙今潭州路醴陵州杜

弢姓名弢

**質實**

一統志云醴陵古之地名漢屬臨湘

他刀反

縣東漢析置醴陵縣屬長沙郡晉宋

因之隋省入長沙縣唐復隸潭州宋仍舊元陞為州  
本朝復為縣改屬長沙府湘州注見漢獻帝興平元  
年

琅邪王睿逐揚州都督周馥以王敦為刺史都督征討  
諸軍事

馥以洛陽孤危表請遷都壽春太傅越以馥不先白  
已大怒召之馥不行睿遂攻之馥敗走死睿以敦為

揚州刺史督

**質實**

揚州注見齊主寶卷永元二年壽

征討諸軍

陽壽春縣名注見秦王政六年

書法

馥帝命也故雖睿書遂綱目之修君臣之分而已矣

三月太傅越卒于項以苟晞為大將軍督六州

苟晞移檄諸州陳越罪狀帝亦惡越專權違命所留何倫等抄掠公卿逼辱公主密賜晞詔使討之越亦下檄罪狀晞遣兵攻之晞遣騎收越黨尚書劉曾侍中程延斬之越憂憤成疾以後事付王衍而卒衆共推衍為元帥衍不敢當奉越喪還葬東海倫等以裴妃及世子毗自洛陽東走城中士民爭隨之帝追貶越為縣王以晞為大將軍都督青徐兗豫荆揚諸軍事

質實

項縣名注見漢後主延熙四年

書法

於是越討石勒而卒不書卒于師何罪越也自往歲率兵討勒書次于項於是五閱月矣

未嘗進兵綱目復書卒于項見越之畏敵至死而不敢前也



發明

晉室之亂原於惠帝之庸愚肇於孽后之倡禍成於諸王之交攻蓋至於太傅越之時亦

已極矣前書漢寇洛陽則是彊敵已逼京師繼書召天下兵入援則是國勢已甚危急又況竟無一人至者越於是時曾無守衛根本之心乃率兵而出則是棄主與賊耳故書次于項則見其頓兵于外之意不書卒于軍而書卒于項則見其不沒於王事之意然則綱目之所以罪越者為如何哉社稷為墟中原塗炭是固生靈之不幸耳於越乎何誅

夏四月漢石勒追敗越軍於苦縣執王衍等殺之

勒帥輕騎追太傅越之喪及於苦縣大敗晉兵縱騎圍而射之將士十餘萬人無一免者執太尉衍等問以晉故衍具陳禍敗之由云計不在已且自言少無官情不豫世事因勒勒稱尊號冀以自免勒曰君少

壯登朝名蓋四海身居重任何得言無官情邪破壞天下非君而誰衆人畏死多自陳述獨襄陽王範神色儼然顧呵之曰今日之事何復紛紜勒謂孔萇曰吾行天下多矣未嘗見此輩人當可存乎萇曰彼皆晉之王公終不為吾用勒曰雖然要不可加以鋒刃夜使人排牆殺之剖越樞焚其尸曰亂天下者此人也吾為天下報之世子毗及宗室四十八王皆沒於勒裴妃為人所掠賣久之渡江初琅邪王睿之鎮建業裴妃意也故睿德之厚加存撫以其子冲繼越後

**集覽**

苦縣注見漢桓帝延熹八年

**質實**

襄陽郡名注見漢獻帝建安十二年

**書法**

討勒晉兵也書越軍何追罪越也越無討志是軍也自衛而已衍為大臣黨越誤國及為

勒所執勸稱尊號冀以苟免可賤甚矣不書太尉罪之也

發明

王衍風流相尚清名蓋世且首為三窟之計今乃為石勒所殺如斃犬豕方且俯首乞憐

之不暇一代人物果安在哉然襄陽王範毅然正色何以不得書死節司馬越敗亂天下範等從而和之斷喪帝室委棄乘輿大節若此他何足數按此行自行範而下諸王及貴臣死者甚衆綱目皆棄而不錄僅書執行等殺之且削去其官則其賤之之意為可知矣畧而不書初非過也

## 五月杜弢陷長沙

弢自是南破零桂東

**質實**

長沙郡名注見漢獻帝興平元年零桂即零陵桂陽

掠武昌殺長吏甚衆

二郡零陵注見武帝太康元年桂陽注見漢武帝元鼎五年武昌郡名注見漢後主建興七年

漢人入寇六月陷洛陽殺太子詮遷帝于平陽封平阿

公考證

封當作  
廢為

荀晞表請遷都倉垣帝將從之公卿猶豫不果行既而洛陽饑困人相食百官流亡者什八九帝將行而衛從不備無車輿乃步出西掖門至銅駝街為盜所掠不得進度支魏浚帥流民數百家保河陰之硤石時掠得穀麥獻之漢主聰使呼延晏將兵二萬七千寇洛陽比及河南晉兵前後十二敗劉曜王彌石勒皆引兵會之晏先至攻平昌門克之遂焚府寺六月司空荀藩及弟光祿大夫組奔轅轅彌晏克宣陽門入宮大掠帝欲奔長安漢兵追執之曜自西明門入殺太子詮等士民死者三萬餘人遂發掘諸陵焚宮廟曜納羊后遷帝及六璽於平陽勒引兵出屯許昌漢以帝為左光祿大夫封平阿公以待中庾珉王儁為光祿大夫初曜以彌不待已至先入洛陽怨之彌說曜曰洛陽天下之中山河四塞城池宮室不假修

營宜白主上自平陽徙都之曜以天下未定洛陽四面受敵不可守不用彌策而焚之彌罵曰屠各子豈有帝王之意耶遂與曜有隙引兵東屯項闕劉璈說彌曰將軍建不世之功又與始安王相失將何以自容不如東據本州徐觀天下之勢上可以混一四海下不失鼎峙之業彌心然之

**集覽**

屠各子注

見漢桓帝延熹元年

**質實**

河陰縣名注見漢光武建武十五年平陰一統志云硤石關名在河南府

陝州城東舊硤石縣即古崤陵關路東通澠池西通函谷今建巡檢司於此六重注見漢靈帝中平六年項闕在開封府陳州城東南九十二里東漢所置劉宋省入項城縣魏浚東阿人始安王始安郡名注見成帝咸和六年按載記漢主淵封族子曜為始安王

司空荀晞奉豫章王端建行臺於蒙城荀藩奉秦王業

# 趣許昌

荀藩在陽城汝陰太守李矩輸給之藩建行臺於密傳檄四方推琅邪王睿為盟主以矩為滎陽太守豫章王端太子誼弟也東奔倉垣荀晞奉為皇太子置行臺徙屯蒙城秦王業吳孝王晏之子藩甥也年十二南奔密藩等奉之以趣許昌天水閭鼎聚西州流民數千於密欲還鄉里藩以鼎有才而擁衆用為豫州刺史以周

## 集覽

陽城縣屬汝陰按汝陰今潁州

## 質

顗等為參佐

是密注見漢光武建武元年

## 實

陽城縣名注見秦二世元年汝陰郡名注見齊主實卷永元二年一統志云蒙城春秋古邑名漢置

山桑縣屬沛郡東漢屬汝南郡三國魏屬譙郡後魏置渦陽縣隋改曰淝水縣大業中復為山桑縣唐改蒙城縣五代宋因之金屬壽州元屬安豐路本朝因之改屬鳳陽府天水郡名注見漢光武建武二年周

顓汝南安成人浚之子榮陽郡名注見秦莊  
襄王元年吳郡名注見漢獻帝建興三年

# 琅邪王睿遣兵擊江州刺史華軼斬之

時海內大亂獨江東差安中國士民避亂者多南渡  
江王導說睿收其賢俊辟掾屬刁協王承卞壹諸葛  
恢陳顧庾亮等百餘人時人謂之百六掾及承荀藩  
檄承制署置江州刺史華軼及豫州刺史裴憲皆不  
從命睿遣王敦甘卓周訪合兵擊軼斬之憲奔幽州  
睿以卓為湘州刺史訪為尋陽太守陶侃為武昌太

守  
**集覽**

顧俱倫反百六掾掾官屬

**質實**

王承晉陽人  
卞壹濟陰宛

句人玄之子諸葛恢琅邪人陳頤陳國人庾亮鄆陵  
人明穆元皇后之兄王敦琅邪臨沂人周訪汝南人

# 秋七月大司馬王浚自領尚書令

浚設壇告類立皇太子稱受中詔承制封拜備置百官列置征鎮

**集覽**

告類五帝本紀舜類于上

帝正義曰五經異義云非時祭天謂之類言以事類告也時舜告攝非常祭也蔡氏書傳曰按周禮肆師類造于上帝注云郊祀者祭昊天之神常祭非常祀而祭告于天其禮依郊祀為之故曰類如泰誓武王伐商王制言天子將出皆云類于上帝是也

漢劉曜寇長安南陽王模出降曜斬之遂據長安模世子保保上邽

南陽王模使牙門趙染戍蒲坂染帥衆降漢漢遣染與將軍劉雅攻模于長安劉曜劉粲繼之染敗模兵於潼關長驅至下邽涼州將北宮純自長安帥衆降漢漢兵圍長安模倉庫虛竭士卒離散遂降于漢粲



殺之關西饑饉白骨蔽野士民存者百無一二漢主  
聰以曜為雍州牧封中山王守長安模都尉陳安帥  
衆歸世子保於上邽保遂據有秦州尋

**集覽**

下邽縣名屬京

稱大司馬承制署隴右氐羌皆從之  
兆秦武公伐邽戎取其人來此置縣有上  
邽故加下字上邽注見漢光武建武八年

**質實**

蒲阪縣名

注見周赧

王十二年

# 漢石勒陷蒙城執荀晞及豫章王端

晞驕奢苛暴前遼西太守閻亨數諫殺之從事明預  
有疾自舉入諫晞怒曰我殺閻亨何關人事而舉病  
罵我預曰明公以禮待預故預以禮自盡今明公怒  
預其如遠近怒明公何桀為天子猶以驕暴而亡況  
人臣乎願明公且置是怒思預之言晞不從由是衆  
心離怨加以疾疫饑饉勒襲蒙城執晞及豫章王鎖

晞頸以為質實遼西郡名注見漢

左司馬

獻帝建安十年

冬十月漢石勒誘王彌殺之

漢大將軍王彌與勒外相親而內相忌會其將徐邈叛去彌兵漸衰聞勒擒苟晞心惡之以書賀勒曰公獲苟晞而用之何其神也使晞為公左彌為公右天下不足定也勒謂張賓曰王公位重而言卑其圖我必矣賓因勸勒乘彌小衰誘而取之時彌與劉瑞相持甚急請救於勒勒未許之賓曰公常恨不得王公之便今天以王公授我矣勒乃引兵擊瑞斬之彌大喜謂勒實親已不復疑也勒請彌燕酒酣而斬之并其衆漢主聰大怒遣使讓勒專害公輔有無君之心然猶加勒鎮東大將軍以慰其心苟晞漸謀叛勒勒殺之引兵掠豫州諸郡臨江而還屯于葛陂初勒之為人所掠賣也與其母王氏相失劉琨得之遣使并

其從子虎送於勒因遺書曰將軍用兵如神所以周  
流天下而無容足之地者蓋得主則為義兵附逆則  
為賊衆故也成敗之數有似呼吸吹之則寒噓之則  
溫今相授侍中領護匈奴中郎將將軍其受之勒報  
書曰事功殊途非腐儒所知君當選節本朝吾自夷  
難為効遺琨名馬珍寶厚禮其使謝而絕之時虎年  
十七殘忍無度勒白母除之母曰快牛為犢多能破  
車汝小忍之及長便弓馬勇冠當時每屠城邑鮮有  
遺類然御衆嚴而不煩莫敢犯者

### 集覽

葛陂在今蔡州上蔡縣腐

儒腐者爛敗貌言儒者但能守陳腐之見不達時宜  
夷難為効夷平難患也為効展其勤效也我當以平

難之事

### 質實

一統志云徐邈姑幕人葛陂在汝寧府城西南三十里即費長房投杖處東漢

於此置葛陂縣後廢  
今有葛陂廟在焉

馮翊太守索綝等擊敗漢兵於長安十二月迎秦王業

入雍城

初索綝為馮翊太守與安夷護軍麴允安定太守賈  
疋謀復晉室帥衆五萬向長安雍州刺史麴特等帥  
衆十萬會之大敗劉曜於黃丘又破劉粲於新豐兵  
勢大振關西晉人翕然響應閭閻欲奉秦王業入關  
據長安以號令四方荀藩周顗等皆山東人不欲西  
行中途逃散顗奔江東昂與業至藍田遣人告疋疋  
遣兵迎之入于雍城

集覽

賈疋古  
文雅字

質實

索琳燉煌人  
靖之子馮翊

使梁綜以兵衛之

郡名注見唐玄宗開元十一年同州一統志云安夷  
漢之縣名屬右扶風後廢之故址在鳳翔府隴州西  
北七十里唐志汧源縣西有安夷關即此安定郡名  
注見漢光武建武元年賈疋武威人謂之曾孫黃丘地

名未詳處所新豐縣名注見漢成帝鴻嘉元年藍田縣名注見周赧王三年雍城注見唐玄宗開元十一年渭南郡

# 琅邪王睿以周顗為軍諮祭酒

前騎都尉桓彝避亂過江見睿微弱謂顗曰我以中州多故來此求全而單弱如此將何以濟既而見王導共論世事退謂顗曰向見管夷吾無復憂矣諸名士遊宴新亭顗中坐歎曰風景不殊舉目有山河之異因相視流涕導愀然變色曰當共戮力王室克復神州何至作楚囚對泣邪衆皆收淚謝之陳顗遺導書曰晉室所以傾弊者正以取才失所先白望而後實事浮競驅馳互相貢薦如有莊老之俗傾惑朝廷養望者為弘雅政事者為俗人夫欲制遠先由近始今宜改張明賞信罰拔卓茂於密縣顯朱邑於桐鄉

然後大業可舉中興

集覽

管夷吾春秋齊管仲字夷吾相桓公霸諸侯今以王

導比之愀然愀七小反色變也神州孟子傳曰中國名曰赤縣神州赤縣神州內自有九州禹之序九州是也杜佑通典曰神州謂王者所卜居吉土五千里內地名也注崑崙東南地方五千里名曰神州故王者所居地亦曰神州按地統書括地象著地中央曰崑崙其東南方曰神州賈氏禮疏曰崑崙在西北別統九州其神州東南一州耳禹分為九又云神農時有大九州曰柱州迎州神州之類今惟有神州分為九白望猶質實桓彝譙國人新亭注見安帝元興元年拔卓茂於密縣事在漢光武建武元年顯朱邑於桐鄉事在漢宣帝地節四年

劉琨遣劉希合衆於中山王浚殺之

劉琨長於招懷而短於撫御一日之中雖歸者數千而去者亦相繼琨遣劉希合衆於中山幽州所統代郡上谷廣寧之民多歸之衆至三萬王浚怒遣胡矩與段疾陸眷共攻希殺之驅掠三郡士女而去

集

覽

段疾陸眷鮮卑人

質實

中山郡名注見周威烈王二十三年一統志云廣寧

漢之縣名屬上谷郡晉陞為郡後魏郡廢北齊置北燕郡隋廢郡以其地屬涿郡唐武德中置北燕州貞觀中改為媯州唐末析置儒州遼為儒州緡陽軍治緡山縣金皇統初州廢以縣屬德興府元至元初省緡山入懷來縣尋復置屬奉聖州後以仁宗生於此陞為龍慶州本朝初州縣俱廢永樂中詔復置州改曰隆慶直隸京師上谷郡名注見秦王政三年

慕容廆擊破鮮卑素喜木丸部

遼東附塞鮮卑素喜連木九津攻陷諸縣屢敗郡兵  
東夷校尉封釋不能討民失業歸慕容廆者甚衆廆  
少子翰言於廆曰自古有為之君莫不尊天子以從  
民望成大業今連津寇暴不已不若數其罪而討之  
上則興復遼東下則并吞二部忠義彰於本朝私利  
歸於我國此霸王之基也廆笑曰孺子乃能及此乎  
遂擊連津以翰為前鋒破斬之盡併二部之衆封釋  
疾病屬其孫奕於廆釋卒廆召奕與語說之曰奇士  
也補小都督釋子俊抽來奔喪廆見之曰此家扞扞  
千斤健也以道不通皆留仕廆抽為長史俊為參軍  
**集覽** 此家扞扞千斤健史炤通鑑釋文曰扞于粉反  
有所失也引左傳扞子辱矣健居言反撻牛也  
健字一本作手旁必刊誤也戰國策齊宣王曰寡人  
愚陋守齊國惟恐夫扞之注扞失也亦引左傳扞子  
辱矣又引呂氏春秋扞與隕同史記不戰而扞注與  
隕同說文隕從高下也廣韻注墜也今言此家扞扞



者意謂封釋二子如千斤捷之無能為必致扞墜其家也晉桓溫望中原歎曰神州陸沈王夷甫諸人不得不任其責袁宏曰運有興廢豈必諸人之過溫作色曰昔劉景升有千斤大牛斲芻豆十倍於常牛負重致遠曾不若一羸犢

**正誤** 此家扞扞千斤捷今按今言千斤捷疑即此意

封釋死於遼東二子俊抽來奔喪慕容廆見之曰此家扞扞千斤捷也以道不通皆留仕廆抽為長史俊為參軍抽與游邃等為股肱廆若以俊抽如千斤捷之無能為必致扞墜其家何故用之竊詳語勢扞扞者強捷有力之貌捷乃犗牛捷強而馴此但言其重大耳千斤牛未必皆不能負重劉景升事廆亦未必知之胡三省註又引說文扞從高而下也言千斤之捷人間不可多得若從天而下也姑備一說

壬申六年

漢嘉平二年

**書法**

於是帝遷平陽踰年矣書六年何存正統也帝未遇害秦王在雍則正統固在矣

**春正月漢主聰納劉殷二女為貴嬪**

漢主聰將納太保劉殷女太弟又固諫聰以問太宰延年太傅景皆曰太保自云劉康公之後與陛下殊源納之何害聰悅拜殷二女英娥為左右貴嬪位在昭儀上又納殷女孫四人皆為貴人位次貴妃於是六劉之寵傾後宮聰希復出外事皆中黃門奏決

**質實**

劉殷新興人劉康公左傳注劉姬姓子爵

康公字季子周定王母弟食采劉邑諡康公故曰劉康公

**書法**

妃妾不書此何以書譏同姓也譏同姓則書以劉氏為貴嬪可矣曷為必書劉殷殷亦與

有責焉耳終綱目書命納妃妾十詳漢獻帝建安十八年其九譏也惟聘鄭氏為克華為美辭

發明

娶妻不取同姓者為遠嫌也豈論同源與否哉聰納殷女均之姓劉則幾於吳孟子矣書

之以著其

亂亡之由

## 胡亢起兵竟陵

亢故新野王牙門將聚眾竟陵寇掠荆土以杜

質實

曾為竟陵守曾勇冠三軍能被甲游於水中  
新野縣名注見漢平帝元始四年  
竟陵郡名注見新莽地皇二年

## 二月朔日食○琅邪王睿遣將軍紀瞻討石勒於葛陂

## 勒引兵退

石勒築壘於葛陂課農造舟將攻建業睿大集江南之眾於壽春以紀瞻為揚威將軍討之會大雨三月

不止勒軍中饑疫死者大半集將佐議之刁膺請送  
款於睿求掃平河朔以自贖俟其軍退徐圖之勒愀  
然長嘯孔萇等請分道夜攻壽春據城食粟要以今  
年定江南勒笑曰是勇將之計也顧謂張賓曰於君  
意何如賓曰將軍攻陷京師囚執天子殺害王公妻  
畧妃主擢將軍之髮不足以數將軍之罪奈何復相  
臣奉乎今天降霖雨於數百里中示將軍不應留此  
也鄴有三臺之固西接平陽山河四塞宜北據之以  
營河北河北既定天下無處將軍之右者矣宜使輜  
重從北道先發將軍引大兵向壽春輜重既遠大兵  
徐還何憂進退無地乎勒攘袂鼓髯曰張君計是也  
於是黜膺擢賓為右長史號曰右侯勒引兵發葛陂  
遣石虎向壽春遇晉運船虎將士爭取之為紀瞻  
所敗追奔百里前及勒軍勒結陳待之瞻不敢擊  
**集覽**鄴有三臺鄴城中三臺南北聯屬各高四十餘尺  
在今彰德城東北四十里資暇集曰鄴中三臺石

崇游宴之地前臺名銅爵中臺名水井後臺名金虎  
後臺北濱漳水今已崩頽半入漳矣銅爵臺又注見  
漢獻帝建質實一統志云銅爵臺在彰德府臨漳縣  
安十五年治西魏曹操築并金虎水井三臺相

去各六十步其上複道樓閣相通中央懸絕鑄大銅  
雀高一丈五尺置之樓頂臨終遺令施總帳於上朝  
晡使宮人歌吹帳中望吾西陵西陵操葬處也後樓  
臺俱毀土人掘地得瓦色頗青內平瑩印工人姓名  
皆八分隸書硯譜云人得此瓦為硯貯水數日不滲  
金虎臺在彰德府臨漳縣治西南鄴鎮曹操於臺下  
鑿渠引漳水入白溝遺址尚存水井臺在彰德府臨  
漳縣治西南曹操建石虎於上藏冰三伏之以賜

大 臣

漢封帝為會稽郡公考異

封上漏  
降字

漢主聰謂帝曰卿昔為豫章王朕與王武子造卿卿  
贈朕柘弓銀研卿頗記否帝曰臣安敢忘之但恨爾  
日不早識龍顏聰曰卿家骨肉何相殘如此帝曰大  
漢將應天受命故為陛下自相驅除此殆天意非人  
事也且臣家若能奉武皇帝之業九族敦睦陛下何  
由得之聰喜以小劉貴人妻帝曰此名公之孫也卿  
善遇之  
**集覽** 銀研研與硯同墨池也釋名云硯研也研  
墨使和濡也自相驅除驅除注見漢帝玄

更始  
元年  
**質實** 武子王濟表字會稽郡  
注見漢和帝永元元年

# 張軌遣兵詣長安

涼州主簿馬鮪說軌宜命將出師翼戴帝室軌從之  
馳檄關中共尊奉秦王且言今遣前鋒宗配帥步騎  
二萬徑趨長安  
**質實** 涼州注見唐中  
諸軍絡繹繼發  
宗景龍二年

書法

書遣兵何予義也懷帝之世書遣北宮純入衛矣於是復書遣兵詣長安若軌者可謂知

為人臣矣

故書予之終綱目書遣兵詣某所者五

張軌遣兵詣長安是年

殷孝祖帥兵赴建康

宋丙

千年

魏趙剛以東荆兵赴長安

梁甲寅年

河西安

西皆遣兵詣行在

唐玄宗天寶十五年

載

李懷光帥

衆赴長安

唐德宗建

中四年

皆予之也

# 夏漢封王彰為定襄郡公

漢主聰以魚蟹不供斬左都水使者作溫明微光二  
殿未成斬將作大匠觀魚於汾水昏夜不歸彰諫曰  
今愚民歸漢之志未專思晉之心猶盛劉琨咫尺刺  
客縱橫帝王輕出一夫敵耳聰大怒命斬之彰女為  
夫人叩頭乞哀乃囚之太后張氏以聰刑罰過差三  
日不食太弟又單于榮與櫬切諫聰怒曰吾豈桀紂

而汝輩生來哭人太保殷等百餘人皆免冠涕泣而諫聰慨然曰朕昨大醉非其本心微公等言之朕不聞過各賜帛百匹使侍中賈實汾水注見周威烈王持節赦彰進封定襄郡公賈實二十三年一統志云定襄郡漢初所置治定襄縣魏晉俱仍舊隋廢之故城在大同府城西北二十八里下有陰山青坡二道皆出兵之路

雍州刺史賈疋等進圍長安漢劉曜敗走秦王業入長安○漢太保劉殷卒

殷不為犯顏忤旨然因事進規補益甚多漢主聰每與羣臣議政事殷無所是非羣臣出殷獨留數暢條理商確事宜聰未嘗不從之殷嘗戒子孫曰事君當務幾諫凡人尚不可面斥其過況萬乘乎夫幾諫之



功無異犯顏但不彰君之過所以為優耳殷在公卿  
間常恂恂有卑讓之色故能處驕暴之國保其富貴  
不失令名  
以壽考終

書法

卒僭國臣  
錄賢也

石勒引兵據襄國考異

石上亦  
漏漢字

劉琨以兄子演鎮鄴石勒濟河演保三臺以自固勒  
諸將欲攻之張賓曰攻之未易卒拔捨之彼將自潰  
方今王彭祖劉越石公之大敵也宜先取之演不足  
顧也且天下饑亂明公擁兵羈旅人無定志非所以  
保萬全制四方也不若擇便地而據之廣聚糧儲西  
稟平陽以固幽并此霸王之業也勒遂進據襄國分  
命諸將攻冀州郡縣運穀以  
輸襄國漢以勒為冀州牧

集覽

彭祖王浚表字  
越石劉琨表字  
質

**實**

鄴縣名注見漢獻帝建安十五年襄國注見楚義帝元年冀州注見秦二世二年信都國幽并二州

名幽注見唐高祖武德四

年并注見愍帝建興四年

# 漢劉曜襲晉陽陷之劉琨奔常山

劉琨移檄州郡期十月會平陽擊漢琨素奢豪喜聲色徐潤以音律得幸驕恣干預政事護軍令狐盛數以為言琨收盛殺之琨母曰汝不能駕御豪傑以恢遠畧而專除勝己禍必及我盛子泥奔漢具言虛實漢主聰大喜遣祭曜將軍寇并州以泥為鄉導琨聞之東出收兵於常山且遣使求救於代祭曜乘虛襲晉陽琨還救不及帥數十騎奔常山泥殺琨父母

**質實**

常山郡名注見漢光武建武九年

# 秋九月賈足等奉秦王業為皇太子建行臺

足等奉業為皇太子建行  
臺登壇告類建宗廟社稷

**質實**

告類注見惠  
帝光熙元年

冬十月代公猗盧攻晉陽劉曜敗走猗盧追擊大敗之

猗盧遣其子六脩帥眾數萬為前鋒自帥二十萬繼  
之劉琨收散卒為鄉導六脩與劉曜戰於汾東曜兵  
敗墜馬中七創夜踰蒙山而歸猗盧追之戰於藍谷  
漢兵大敗伏尸數百里猗盧因大獵壽陽山陳閭皮  
肉山為之赤琨自營門步入拜謝固請進軍猗盧曰  
吾遠來士馬疲弊且待後舉劉聰未可滅也留其將  
箕澹等戍晉陽琨徙

**質實**

汾東汾水之東注見周威  
烈王二十三年一統志云

蒙山在太原府平定州東北一十五里一峯孤秀高  
出眾山土人九日登高於此上有晉山神祠壽陽古  
邑名春秋晉為馬首邑漢為榆次縣之東境晉始置  
壽陽縣屬樂平郡晉末省隋初復置屬并州唐於此

置受州貞觀中州廢縣仍屬并州金於此置晉州尋  
移治清源縣元仍舊本朝因之屬太原府晉陽郡名  
注見周威烈王二十三年陽曲  
縣名注見秦王政十五年狼孟

## 十二月盜殺賈疋麴允領雍州刺史

初賈疋入闕殺漢梁州刺史彭仲蕩至是其  
子天護帥羣胡攻疋殺之衆推麴允領雍州  
注見周赧王四年漢中雍州注  
見唐玄宗開元十一年京兆

### 書法

盜者何彭天護也譙登復父讐綱目書死之  
義之也此亦復父讐也其書盜何天護臣漢

者也逆順異矣是故郭循魏臣也殺漢費禕則書  
盜天護漢臣也殺晉賈疋則書盜綱目示人所從  
之意深切矣賈疋不書官以上文見也終綱目書  
盜殺十一詳周威烈王二十四年○不書以何帝

在平陽也然則曷為不書自領帝在平陽也綱目一字之筆削審矣哉

# 王浚攻石勒於襄國大敗而還

王浚遣督護王昌帥諸軍及段疾陸眷與弟匹磾文鴛從弟末柸攻勒於襄國勒兵出戰皆敗勒召將佐曰吾欲悉衆決戰何如諸將皆曰不如堅守俟其退而擊之張賓孔萇曰鮮卑段氏最為勇悍而末柸尤甚其銳卒皆屬焉今刻日來攻北城必謂我孤弱不敢出戰意必懈惰宜且勿出示之以怯鑿北城為突門二十餘道俟其來至列守未定出其不意直衝末柸帳彼必震駭不暇為計破之必矣末柸敗則其餘不攻而潰矣勒從之密為突門既而疾陸眷攻北城勒登城望之見其將士或釋仗而寢乃命孔萇督銳卒從突門出擊之不克而退末柸逐之入其軍門為勒衆所獲疾陸眷等軍皆退走萇乘勝追擊枕尸三

十餘里疾陸眷以鎧馬金銀賂勒且以末柁三弟為質而請末柁諸將皆勸勒殺之勒曰遼西鮮卑健國也與我素無仇讐為王浚所使耳今殺一人而結一國之怨非計也歸之必深德我不復為浚用矣乃遣石虎與疾陸眷盟於渚陽結為兄弟疾陸眷等引歸王昌亦還薊勒召末柁與之燕飲誓為父子遣還由是段氏專心附

**質實**

渚陽地名未詳處所薊縣名注見漢帝立更始二年

勒浚勢遂衰

**書法**

石勒嘗書寇矣曷為不書討據紀瞻書討浚非心晉者也故以自相攻擊書之

# 大疫○王敦殺其兄荊州都督澄

澄少與兄衍名冠海內劉琨謂澄曰卿形雖散朗而內實動俠以此處世難得其死及在荊州屢為杜弢所敗望實俱損猶傲然自得與內史王機日夜縱酒博奕上下離心故山簡參軍王冲擁衆自稱刺史澄

懼徙治沓中琅邪王聞之召為軍諮祭酒以周顗代之王敦方討杜弢進屯豫章澄過之自以名聲素出敦右猶以舊意侮敦敦怨誣其與杜弢通信殺之機將奴客門生千餘人入廣州機父嘗刺廣州將士皆其部曲刺史郭訥遣拒機皆迎降訥乃避位以州授之

### 集覽

沓中本河關之西南羌地

### 質實

王機長沙人

### 書法

書兄書官敦不弟不臣之罪具矣

### 發明

人有常言皆曰父兄蓋嚴於事兄乃所以嚴於事父正所以謹其漸也王處仲不難於殺

其兄則亦不知有其父矣况澄身為方伯正使有罪合請於朝而處仲專輒行戮則其無君之心又已見於此時矣故澄既書其兄又特以荊州都督書之而處仲則去其官

王如詣王敦降○前太子洗馬衛玠卒

玠瑾之孫也美風神善清談常以為人有不及可以情恕非意相干可以理遣故終身不見喜愠之色

質實

衛玠安邑人瑾之孫

書法

卒前官錄賢也終綱目卒前官者六而已詳漢安帝元初二年

羌酋姚弋仲自稱扶風公

弋仲南安赤亭羌也東徙榆眉戎夏襁負隨之者數萬

質實

南安郡名注見漢後主建興六年赤

亭縣名注見漢安帝元初四年榆眉地名未詳處所扶風郡名注見周顯王八年岐襁負注見漢殤帝延

平元

年



癸酉

孝愍皇帝建興元年

漢嘉平三年

考異

提要帝下注業字據歲年例正統即

位在今年內者當大書君名

春二月漢主劉聰弑帝於平陽庾珉王

雋死之

正月朔漢主聰宴羣臣於光極殿使帝著青衣行酒庾珉王雋等不勝悲憤因號哭聰惡之有告珉等謀以平陽應劉琨等聰遂殺珉雋等帝亦遇害諡曰孝懷

書法

戰國之篇魏人殺衛君書殺異國辭也已酉年聰書漢主則其書弑何聰之為漢主自立

也帝前書封會稽公笑此復書帝不予聰以廢斥之權且書名書弑以正其不臣之罪有告聰以珉雋應劉琨者於是殺之而帝亦遇害則二臣之死先於帝矣綱目曷為先書弑先書弑所以著二臣

之死為帝而死也大書死  
之其為死節之勸深矣

**發明**

劉淵之禍固晉人骨肉自殘有以致之然淵  
為晉臣子其自立為漢王也非反而何然則

綱目曷不以反書蓋綱目書法有彼此參考而見  
者如平陽之事書曰弑帝則明以聰為晉之臣子  
也天下豈有弑帝之人而擁兵自立不謂之反者  
乎天下豈有臣子自王而不謂之反者乎故書弑  
帝而其反自彰彰矣庾珉王雋書其死節所以表  
忠臣之心且以愧夫當時之目擊弑主而無所動  
于其心者抑曰漢主劉淵亦所以恥晉人之不振  
使前之為我臣者今乃並立而無以制之而且為  
其所弑誰為人君  
而使至于斯極也

三月漢立其貴嬪劉娥為后

漢主聰為劉后起鸛儀殿廷尉陳元達切諫以為天生民而樹之君使司牧之非以兆民之命窮一人之欲也是以先帝身衣大布居無重茵后妃不衣錦綺乘輿馬不食粟陛下踐祚以來已作殿觀四十餘所加之軍旅數興餽運不息饑饉疾疫死亡相繼而益思營繕豈為民父母之意乎聰大怒曰朕為天子營一殿何問汝鼠子乎命左右曳出斬之并其妻子梟首東市時聰在道遙園李中堂元達先鎖腰而入即以鎖鎖堂下樹呼曰臣所言者社稷之計而陛下殺臣朱雲有言臣得與龍逢比干遊足矣左右曳之不能動大司徒任顗等叩頭出血曰元達為先帝所知盡忠竭慮知無不言臣等每見之未嘗不發愧今言雖狂直願陛下容之聰默然劉后聞之密敕左右停刑手疏上言今宮室已備無煩更營四海未一宜愛民力廷尉之言社稷之福也宜加封賞而更誅之四海謂陛下何如哉夫忠臣進諫者固不顧其身也而

人主拒諫者亦不顧其身也陛下為妾營殿而殺諫臣使忠良結舌者由妾遠近怨怒者由妾公私困弊者由妾社稷陷危者由妾天下之罪皆萃於妾妾何以當之妾觀自古敗國喪家未始不由婦人心常疾之不意今日身自為之使後世視妾由妾之視昔人也妾誠無面目復奉中櫛願賜死此堂聽覽之變色命顓等冠履就坐引元達上以表示之曰外輔如公內輔如后朕復何憂更命園曰納賢園堂曰愧賢堂謂元達曰卿當畏朕而反使朕畏卿邪

集覽

鷄儀義取鳳皇來儀

書法

娥者何字也立后書氏未有書字者此則曷為書字譏也何譏英娥同位譏屬少者也娥

漢同姓妾同姓非矣况立為后乎

夏四月太子業即位於長安索綝領太尉

懷帝凶問至長安皇太子舉哀因加元服即帝位以  
梁芬為司徒翹允索緄為僕射是時長安城中戶不  
盈百蒿荆成林公私有車四乘百官無章服印綬惟  
桑版署號而已尋以緄為衛將軍領太尉軍國之事  
悉以集覽索緄姓名索昔  
委之各反緄丑林反

書法

太子即位矣緄不書以何太子尚幼冲非能  
以之也然與書自者有間矣此綱目之變例

也故皇太子未有書奉者業特書奉懷帝永嘉六  
年非上命未有不書自者允緄止書領綱目之權  
衡審矣

漢寇長安僕射翹允拒之考異

提要拒下有却字

○石勒遣石

虎攻陷鄴而據之考異

石上漏漢字

初劉琨用焦求為兖州刺史荀藩又用李述為之琨  
召求還及鄴城失守琨復以劉演為兖州鎮廩丘前  
中書侍郎郝鑒少以清節著名帥高平千餘家避亂  
保嶧山琅邪王就用為兖州鎮鄒山三人各屯一郡  
兖州吏民

**集覽**

郝鑒姓名晉書  
注郝丑之反

**質實**

廩丘縣名注見  
周顯王十六年

莫知所從  
高平縣名注見漢光武建武六年嶧山  
注見秦始皇二十八年鄒山注同上年

# 琅邪王睿以華譚為軍諮祭酒陳頤為譙郡太守

譚嘗在壽春依周馥至是睿謂譚曰周祖宣何故反  
譚曰周馥雖死天下尚有直言之士馥見寇賊滋蔓  
欲移都以紓國難執政不悅興兵討馥死未踰時而  
洛都淪沒若謂之反不亦誣乎睿曰馥位為征鎮召  
之不入危而不持亦天下之罪人也譚曰然危而不  
持當與天下共受其責非但馥也睿參佐多避事自

逸參軍陳頤言於睿曰洛中承平之時朝士以小心恭恪為凡俗偃蹇倨肆為優雅流風相染以致敗國今僚屬皆承西臺餘弊養望自高是前車已覆而後車又將隨之也請自今臨使稱疾者皆免官不從三王之誅趙王倫也制己亥格以賞功自是循而用之頤曰昔趙王篡逆惠皇失位三王討之故厚賞以懷嚮義之心今功無大小皆以格斷乃至金紫佩士卒之身符策委僕隸之門非所以重名器正紀綱也請一切停之頤出於寒微數為正論府中多惡之出為譙郡太守

### 集覽

以格斷皆以己亥格例決斷之

質實

祖宣周馥表字譙郡人見漢獻帝建安十四年

## 吳興太守周玘卒

玘宗族彊盛琅邪王睿頗疑憚之睿左右用事者多中州亡官失守之士駕御吳人吳人頗怨玘自以失

職又為刁協所輕陰與其黨謀誅執政以南士代之  
事泄憂憤而卒將死謂其子勰曰殺我者諸倉子也  
能復之乃

**集覽**

勰檄頗反諸倉子倉仕行反顏師古  
曰吳人謂楚人為倉晉陽秋云吳人

謂中州人曰倉廣  
韻注倉楚人別種

**書法**

太守不卒卒玘何錄功也太守書卒始此  
終綱目太守書卒四周玘郝超謝瞻馮寶

# 慕容廆攻段氏取徒河

初中國民避亂者多依王浚浚政法不立往往去之  
段氏兄弟專尚武勇不禮士大夫惟廆政事修明愛  
重人物故多歸之廆以裴嶷陽耽為謀主游邃逢羨  
封抽裴開為股肱宗該皇甫岌弟真及封奕封裕  
典機要嶷清方有幹畧兄武為立菟太守卒嶷與武  
子開以其喪過歸廆廆敬禮之行及遼西道不通嶷



欲還開曰等為流寓段氏疆慕容氏弱何必去此而  
就彼也嶷曰欲求託足之地豈可不慎擇其人汝觀  
諸段豈有遠畧且能待國士乎慕容公修仁行義有  
霸王之志加以國豐民安今往從之高可以立功名  
下可以庇宗族汝何疑焉既至龐大喜遂嘗避地於  
薊後歸龐王浚屢以手書招其兄暢暢欲赴之遂曰  
彭祖必不能久宜且磐桓以俟之暢曰彭祖忍而多  
疑今手書殷勤而稽留不往將累及卿且亂世宗族  
宜分以冀遺種遂**集覽**諸段謂段疾陸眷段匹  
從之卒與浚俱沒**碑**段文鸞段末柸等  
徒河縣名注見武帝太康十年玄菟郡名注見漢武  
帝元封二年彭祖王浚表字薊縣名注見漢帝玄更  
始二年

五月以琅邪王睿為左丞相南陽王保為右丞相分督

# 陝東西諸軍事

詔曰今當掃除鯨鯢奉迎梓宮令幽并兩州勒卒三十萬直造平陽右丞相宜帥秦涼梁雍之師徑詣長安左丞相帥所領精兵造洛陽同赴大期克成元勳又詔睿以時進軍與乘輿會除中原睿辭以方平定江東未暇北伐以刁協為丞相左長史劉隗為司直隗雅習文史善伺候睿意故特親愛之主簿熊遠上書以為軍興以來處事不用律令主者不敢任法每輒闕諮非為政之體也愚謂凡為駁議者皆當引律令經傳不得直以情言無所依準以虧舊典若開塞隨宜權道制物此人君之所得行非臣子所宜用也睿不**集覽**掃除鯨鯢左傳宣十二年古者明王伐不能從敬取其鯨鯢而封之以為大戮注鯨鯢大魚名吞食小魚以喻不敬之人吞併小國殺之而以土封其尸是之為京觀梓宮顏師古曰天子之喪以

梓木為之親身之棺也風俗通曰宮

**質實**

劉隗彭城人訥之姪

者存時所居緣生事死因以為名

熊遠豫章南昌人陝縣名

注見周顯王四十五年

## 左丞相睿以祖逖為豫州刺史

逖范陽人少有大志與劉琨俱為司州主簿同寢中夜聞鷄鳴蹴琨覺曰此非惡聲也因起舞及渡江左丞相睿以為軍諮祭酒逖居京口糾合驍健言於睿曰晉室之亂非上無道而下怨叛也由宗室爭權自相魚肉遂使外蕃乘隙肆擾內地今遺民思奮大王誠能命將出師使如逖者統之以復中原郡國豪傑必有望風響應者矣睿素無北伐之志以逖為豫州刺史給千人廩布三千匹不給鎧仗使自召募逖將其部曲百餘家渡江中流擊楫而誓曰祖逖不能清中原而復濟者有如大江遂屯淮陰起冶鑄兵募得

二千餘人而後進

**質實**

范陽郡名注見漢帝玄更始二年涿郡司州注見秦莊襄王元年三川郡

京口郡名注見成帝咸和三年豫州注見秦莊襄王元年三川郡淮陰縣名注見漢獻帝興平二年

# 陶侃破走杜弢王敦表侃為荊州刺史

周顗屯潯水城為杜弢所困陶侃使將軍朱伺救之弢退保泠口侃使伺逆擊大破之弢遁歸長沙敦乃表侃刺荊州屯沔江左丞**集覽**潯水城潯本作尋江相睿召顗復為軍諮祭酒州圖經云古尋陽縣治江北尋水之陽按即蘭城是晉置尋陽郡刺史溫嶠徙治江南江北自置蘄州蘄春郡則尋已為蘄之望水泠口在零陵郡泠水出九**質實**一統志云潯水疑山北至泠道縣入江泠音聆城在九江府城西一十五里本漢尋陽縣其城晉孟懷王所築隋因水患移入城為附郭令名故州曰彭蠡曰湓城即其

地也朱伺安陸人沔江注見  
漢獻帝建安十二年漢沔

**發明**

王處仲表陶侃刺荊州書之初無貶詞  
然亦足見其專輒之漸可為履霜之戒

冬十月氏楊難敵寇陷梁州刺史張光卒

初氏王楊茂搜之子難敵遣養子販易於梁州刺史  
張光殺之及光與王如餘黨楊虎相攻求救於茂搜  
茂搜遣難敵救光虎厚賂難敵與夾擊光大破之光  
嬰城自守憤激成疾僚屬勸光退據魏興光按劍曰  
吾受國重任不能討賊今得死如登僊  
何謂退也聲絕而卒難敵竟攻拔之

**質實**

梁州注  
見周赧

王四年漢中魏興郡名  
注見漢後主建興八年

**書法**

於是光卒而後城陷先書寇陷何以失守之  
罪罪光也曷為罪之光殺難敵之子而求援

於茂搜則難敵之來宜有以備之矣不備不虞不可以師城之陷光為之也不先書陷則光得以逃其責矣

陶侃復擊杜弼大破之○漢劉曜寇長安十一月麴允破走之

曜使趙染帥精騎襲長安夜入外城帝奔射鴈樓染焚龍尾及諸營退屯逍遙園將軍麴璽帥眾救長安與曜遇於零武璽兵大敗曜恃勝不設備麴允引兵襲之漢兵大敗殺其將軍喬智明曜引歸平陽質

**實**

長安縣名注見漢惠帝五年一統志云龍尾坡名在鳳翔府岐山縣東二十里唐武德中移縣治於

龍尾城鄭畋嘗破黃巢兵於此零武地名未詳處所

十二月石勒遣使奉表於王浚考異

據建武元年書漢石虎則此石勒上

疑漏漢字

浚謀稱尊號劉亮高柔切諫皆殺之燕國霍原志節清高屢辭徵辟浚以尊號事問之原不答浚誣以罪殺而梟其首於是士民駭怨而浚矜豪日甚不親政事所任皆苛刻小人棗嵩朱碩貪橫尤甚北州謠曰府中赫赫朱丘伯十囊五囊入棗郎石勒欲襲之未知虛實將遣使覘之參佐請用羊祜陸抗故事致書於浚勒以問張賓賓曰浚名為晉臣實欲廢晉自立但患四海英雄莫之從耳將軍威振天下今折節事之猶懼不信况為羊陸之亢敵乎夫謀人而使人覺其情難以得志矣勒曰善遣舍人王子春奉表於浚曰勒本番人遭世饑亂流離屯厄竄命冀州竊相保聚以救性命今晉祚淪夷中原無主為帝王者非公

復誰願殿下應天順人早登皇祚勒奉戴殿下如天  
 地父母殿下察勒微心亦當視之如子也浚甚喜謂  
 子春曰石公可信乎子春曰殿下中州貴望威行四  
 海臣觀石將軍才畧過人兵壯勢彊此其志不在小  
 石將軍非惡帝王不為而讓於殿下顧以帝王自有  
 歷數非智力之所取故也又何怪乎浚大悅遣使報  
 聘游綸兄統為浚鎮范陽遣使私附於勒勒斬其  
 使以送浚浚雖不罪統益信勒為忠誠無復疑矣

集

覽

羊祜陸抗故事祜晉將抗吳將二將對境務修  
 德信皆不為掩襲之計事在晉武帝泰始七年

質

實

燕國注見唐高祖武德四年幽州霍原廣陽人范  
 陽郡名注見漢帝玄更始二年涿郡丘伯謂朱碩

裴郎謂

裴嵩

左丞相睿遣世子紹鎮廣陵



以丞相掾蔡謨為參軍

**質實**

蔡謨陳留人廣陵郡名注見漢後主建興二年

## 代城盛樂及平城

代公猗盧城盛樂以為北都治故平城為南都又作新平城於澧水之陽使右賢王六脩居之統領南部

**集覽**

盛樂注見漢後主景耀四年澧水澧音力軌反水出鴈門郡凌廩縣

**質實**

一統志云澧水

源出大同府馬邑縣西北一十里洪濤山下即桑乾水之源也漢書謂之治水水經謂之潦涇水

甲戌二年

漢嘉平四年

春正月有如日隕于地又有三日相承

## 東行

**書法**

如日何非日也有三日何亦非日也非日也故曰有有也者世所無有者也漢成之篇書

有兩月相承晨見東方建始元年亦所無有之辭也愍帝之世變莫大於此者至太興元年又書日夜出高三丈晉之中葉何其多變哉終綱目千三百六十一年三日相承夜出三丈各一書而已矣

○有流星墮于平陽北化為肉

流星出牽牛入紫微光燭地墮平陽北化為肉長三十步廣二十七步漢主聰惡之以問公卿陳元達以為女寵太盛亡國之徵聰集覽牽牛天官書牽牛為曰此陰陽之理何闕人事犧牲其北河鼓也注正義曰牽牛主闕梁爾雅河鼓謂之牽牛郭璞注今荆楚人呼牽牛為擔鼓按擔荷也

質實

平陽

縣名注見秦王政十四年

書法

書星墮多矣未有書所化者於是肉長三十步廣二十七步宇宙以來所未有之大異也

平陽漢地綱目不書

漢為天下異之也

發明

是時劉聰竊據中土淫虐不已故星隕於其所都之地以警之然聰則不知戒也書之於

冊亦姑以見上天

示變之意云爾

# 漢石勒復遣使奉表於王浚

浚使者至襄國勒匿其勁卒精甲羸師虛府以示之  
北面拜使者而受書浚遣勒塵尾勒陽不敢執懸之  
於壁朝夕拜之曰我不得見王公見其所賜如見公  
也復遣董肇奉表于浚期以三月中旬親詣幽州奉  
上尊號亦修牋於棗嵩求并州牧勒問浚於王子春  
子春曰幽州去歲大水人不粒食浚積粟百萬不能  
賑贍刑政苛酷賦役殷煩忠賢內離夷狄外叛人皆  
知其將亡而浚意氣自若曾無懼心方更置立臺閣

布列百官自謂漢高魏武不足比也勒撫几笑曰王  
彭祖真可擒也浚使者還薊具言石勒形勢寡弱款  
誠無二浚益驕集覽麈尾注見齊武質實襄國注見  
急不復設備帝永明十一年

年幽州注見唐高祖武德四年  
薊縣名注見漢帝立更始二年

**發明**

乎綱目前已書勒奉表於浚今又復書于此  
何哉一以見勒之詐一以見浚之愚也然勒詭詐  
素著原不可以信浚身為晉臣乃坐視朝廷傾覆  
而不救方且甘受其詐僥倖非望其罪有加  
於勒多矣故他日見殺於勒盡削其官也

**梁州人張咸逐楊難敵以州降成**

於是漢嘉涪陵漢中之地皆為成有成主雄虛已好  
賢隨才授任命太傅驤養民於內李鳳等招懷於外

刑政寬簡獄無滯囚興學校置史官其賦民男丁歲穀三斛女丁半之疾病又半之戶調絹不過數丈綿數兩事少役稀民多富實新附者給復除是時天下大亂而蜀獨無事年穀屢熟乃至閭門不閉路不拾遺然朝無儀品爵位濫濫吏無祿秩取給於民軍無部伍號令不肅此其所短也

**集覽**

復除復芳

目反亦除也除免其繇賦也

**質實**

梁州注見周赧王四年漢中漢嘉縣名注見漢後主建興十三年

涪陵縣名注見惠帝太安二年漢中郡名注見周赧王四年

二月以張軌為太尉涼州牧劉琨為大將軍質實

涼州注見

唐中宗景龍二年

○三月漢石勒襲薊陷之殺王浚師還薊降

於段匹磾

勒纂嚴將襲王浚而未發張賓曰豈非畏劉琨及鮮卑烏桓為吾後患乎勒曰然賓曰彼三方智勇無及將軍者將軍雖遠出彼必不敢動且彼未謂將軍便能懸軍千里取幽州也輕軍往返不出二旬藉使彼有心比其謀議出師吾已還矣劉琨王浚雖同名晉臣實為仇敵若修賤於琨送質請和琨必喜我之服而快浚之亡終不救浚而襲我也用兵貴神速勿後時也勒曰吾所未了右侯已了之遂以火宵行遣使奉賤於琨自陳罪惡請討浚自効琨大喜移檄州郡言勒已降當襲平陽除僭逆三日勒軍達易水浚督護孫緯馳遣白浚將勒兵拒之游統禁之浚將佐皆曰勒貪而無信必有詭計請擊之浚怒曰石公來正欲奉戴我耳敢言擊者斬設饗以待之勒晨至薊叱門者開門猶疑有伏兵先驅牛羊數千頭聲言上禮實欲塞諸街巷浚始懼勒升其聽事執浚於前浚罵曰胡奴調乃公何凶逆如此勒曰公位冠元台手握

彊兵坐觀本朝傾覆曾不救援乃欲自尊為天子非  
凶逆乎即送襄國斬之浚將佐等詣軍門謝罪前尚  
書裴憲從事中郎荀綽獨不至勒召而讓之對曰憲  
等世事晉朝荷其榮祿浚雖凶麤猶是晉之藩臣故  
從之不敢有貳明公苟不修德義專事威刑則憲等  
死自其分請就死不拜而出勒謝之待以客禮勒數  
朱碩藁嵩等以納財亂政責游統以不忠所事皆斬  
之藉浚將佐親戚家貲皆巨萬惟憲綽止有書百餘  
表鹽米各十餘斛而已勒曰吾不喜得幽州喜得二  
子以憲為從事中郎綽為參軍分遣流民各還鄉里  
勒停薊二日焚浚宮殿以故尚書劉翰行幽州刺史  
戍薊置守宰而還孫緯遮擊之勒僅而得免勒遣使  
奉浚首獻捷於漢漢以勒為東單于劉琨請兵於拓  
跋猗盧以擊漢會猗盧所部番人謀應勒猗盧悉誅  
之不果赴約琨知勒無降意大懼劉翰  
不欲從勒乃歸段匹磾匹磾遂據薊城

集覽

纂嚴索  
隱曰謂

纂集兵嚴也未了了曉也下同易水注見秦王政二十年聽事顏師古曰古者治官處謂之聽事後語省直曰聽故加广禮記南面聽天下注聽體寧反調乃公調去聲戲弄也乃公猶言汝翁也

正誤未

今按了猶決也

# 左丞相睿以邵續為平原太守

王浚所置樂陵太守邵續附勒勒以其子又為督護渤海太守劉脢棄郡依續謂曰君晉之忠臣奈何從賊以自污乎會段匹碑以書邀續同歸江東續從之其人曰其如又何續泣曰我豈得顧子而為叛臣乎殺異議者數人勒聞之殺又續遣脢使江東睿以脢為參軍續為平原太守石勒圍續匹碑救之勒引去

質實

樂陵郡名注見宋明帝泰始三年渤海國名注見隋恭帝義寧二年景城郡劉脢掖縣人邵續



安陽人平原郡名注  
見漢光武建武五年

襄國大饑質實

襄國注見楚  
義帝元年

時穀二升  
值銀一斤

夏五月太尉涼州牧西平公張軌卒子寔嗣

軌寢疾遺令文武將佐務安百姓上思報國下以寧  
家軌卒長史張重等表世子寔攝父位詔寔為都督  
刺史西平公  
諡軌曰武穆  
質實  
西平郡名注見  
懷帝永嘉二年

書法

書卒何子忠也軌自書為涼州刺史  
寧元年繼書遣北宮純入衛  
懷帝永嘉二年

又書遣兵詣長安  
懷帝永嘉六年又書以為太尉  
涼州牧至是具官爵姓書卒皆所以重子之也

發明

綱目於晉世割據諸人皆書死獨於西涼張氏及前燕慕容氏父子獨書其爵及以卒書

者何予其有匡輔晉室之功也夫晉之南渡猶周之東遷也東遷之後諸侯不復宗周獨齊桓晉文拳拳以尊王室為事故春秋予之當諸番爭奪之時干戈紛紛世不復知有晉矣而張氏據涼慕容氏據燕獨能不忘本朝此其所以予之也

# 六月漢寇長安索綝大破之

漢大司馬中山王曜趙染寇長安索綝出拒之染有輕綝之色長史魯徽曰晉之君臣自知彊弱不敵將致死於我不可輕也染曰以司馬模之彊吾取之如拉朽索綝小豎豈能汚吾馬蹄刀刃邪晨帥輕騎數百逆之曰要當獲綝而後食綝與戰於城西染兵敗而歸悔曰吾不用徽言至此何面目見之先命斬徽

徽曰將軍愚愎以取敗乃復忌前害勝猶有質實長安

天地其得死於枕席乎染攻北地中弩而死

縣名注見漢惠帝五年北地郡名注見秦王政三年

# 漢石勒命州郡閱實戶口

戶出帛二

匹穀二斛

# 冬漢主聰以子粲為相國考異

子上漏其字

漢晉王粲少有雋才自為相驕奢專恣遠賢親佞嚴刻復諫國人始惡之

乙亥三年漢建元元年春正月左丞相睿以周札為吳興太守

周勰以其父遺言因吳人之怨謀作亂使吳興功曹徐馥矯稱叔父札之命收合徒衆以討王導刁協豪

傑翕然附之是月馥殺吳興太守袁琇欲奉札為主  
札聞之大驚以告義興太守孔侃侃知札意不同不  
敢發馥黨懼攻馥殺之札子續亦聚衆應馥左丞相  
睿議發兵討之王導曰今少發兵則不足以平寇多  
發兵則根本空虛續族弟黃門侍郎延忠果有謀請  
獨使延往足以誅續睿從之延兼行至郡將入遇續  
於門逼與俱詣侃坐定延謂侃曰府君何以置賊在  
坐續即出衣中刀逼延延叱郡傳教格殺之因欲誅  
總札不聽委罪於從兄邵而誅之延不歸家省母遂  
長驅而去睿以札為吳興太守延為太子右衛率以  
周氏吳之豪望故

**集覽**

其父遺言前年玘將死曰殺我者諸倉子也能復之乃吾

子也傳教格殺之郡之傳教令

**質實**

吳興郡名注見宋明帝泰始二

年刁協渤海饒安人義興郡名注見武帝太元十七年

二月以左丞相睿為丞相都督中外諸軍事南陽王保

為相國劉琨為司空質實

南陽郡名注見秦二世三年

○進代公猗

盧爵為王

詔進猗盧爵為代王置官屬食代常山二郡猗盧請并州從事莫舍於劉琨舍不欲行琨曰以并州單弱吾之不材而能自存於彊敵之間者代王之力也吾傾身竭貲以長子為質而奉之者庶幾為朝廷雪大恥也卿欲為忠臣奈何惜共事之小誠而忘徇國之大節乎往事代王為之腹心乃一州之所賴也舍遂行猗盧甚重之常與參大計猗盧用法嚴國人犯法者或舉部就誅老幼相攜而行人問何之曰往就死

無一人敢

集覽

莫舍姓名舍與舍同

逃匿者

書法

書進某爵何命自上出也與書魏公操進爵為王者異矣漢獻帝建安二十一年終綱目

書進某爵為王七荷盧朱全忠再書李克用錢鏐王建羅紹威詔某進爵為王三周齊公憲李晟朱

全忠

三月杜弼將張彥陷豫章尋陽太守周訪擊斬之

王敦遣陶侃等討杜弼前後數十戰弼將士多死乃請降丞相睿以為巴東監軍弼既受命諸將猶攻之不已弼不勝憤怒復遣其質實巴東郡名注見漢將張彥陷豫章周訪擊斬之

獻帝建安十九年

周訪汝南人尋陽郡名注見明帝太寧二年

漢太子太傅崔瑗少保許遐伏誅

雨血於漢東宮延明殿太弟又惡之崔瑗許遐說又曰今相國威重踰於東宮殿下非徒不得立也朝夕且有不測之危不如早為之計又弗從舍人告之漢主聰殺瑗遐使將軍卜抽將兵監守東宮又上表乞為庶人且請以祭

### 集覽

相國劉聰之子名祭

## 漢曹嶷據臨淄

漢青州刺史曹嶷盡得齊魯間郡縣自鎮臨淄有衆十餘萬臨河置戍石勒表稱嶷有專據東方之志請討之漢主聰恐勒滅嶷不可復制弗許

### 集覽

曹嶷姓名嶷魚力反

### 質實

青州注見漢桓帝永

康元年臨淄縣名注

見周赧王三十一年

## 漢立三后

漢主聰納中護軍靳準二女月光月華立月光為上  
皇后劉貴妃與月華為左右皇后陳元達極諫以為  
並立三后非禮也聰不悅元達又奏月光有穢行  
聰不得已廢之月光慙恚自殺聰以是恨元達

### 書法

書讖也自漢立三后其後也  
周立四后立五后益無謂矣

## 夏六月盜發漢霸杜二陵

盜發二陵及薄太后陵得金帛甚多朝  
廷以用度不足詔收其餘以實內府  
**質實** 霸陵注見漢文

帝二年杜陵注見

漢元帝初元元年

### 發明

綱目書盜發二陵分注載得金  
帛甚多此亦可為厚葬者之戒

陶侃擊杜弢破之弢走死湘州平丞相睿加王敦都督



# 江揚等州軍事

陶侃與杜弢相攻弢使王貢出挑戰侃遙謂之曰弢為益州小吏盜用庫錢父死不葬喪卿本佳人何為隨之天下寧有白頭賊耶貢遂降弢衆潰遁走道死侃進克長沙湘州悉平丞相睿進王敦鎮東大將軍都督江揚荆湘交廣六州諸軍事江州刺史敦始自選置刺史以下寢益驕橫初王如之降也敦從弟稜愛如驍勇請敦配已麾下甚加寵遇如數與敦諸將角射爭鬪稜杖之如深以為恥及敦潛畜異志稜每諫之敦怒密使人激如殺稜敦聞之陽驚亦捕如誅之

## 集覽

配已麾下請以王如隸我指麾下下

## 質實

長沙郡名注見漢獻帝興平元年湘州注同上年

# 王敦徙陶侃為廣州刺史考異

提要王字上有荊州吏杜曾舉兵拒陶侃十字

徙下無

陶字

初朝廷以第五猗為荊州刺史杜曾迎猗於襄陽聚兵萬人與猗分據漢沔侃既破杜弋乘勝進擊曾有輕曾之志反為所敗死者數百人時荀崧都督荊州屯宛曾引兵圍之崧兵少食盡欲求援於故吏襄城太守石覽崧小女灌年十三帥勇士數十人踰城突圍夜出且戰且前遂達覽所又為崧書求救於周訪訪遣子撫帥兵與覽共救崧曾乃遁去曾復致牋於崧求自效崧許之侃遺崧書曰杜曾凶狡所謂鷁臯食母之物此人不死州土未寧足下當識吾言崧以兵少藉為外援不從曾復帥流亡二千餘人圍襄陽不克而還王敦嬖人錢鳳疾侃之功屢毀之侃詣敦自陳敦留不遣左轉廣州刺史以其從弟廙刺荊州將吏鄭攀等詣敦留侃不許衆情憤惋遂迎杜曾第五猗以拒廙敦意攀等承侃風旨被甲持矛將殺侃

出而復還者數四侃正色曰使君雄斷當裁天下何  
此不決乎因起如廁參軍梅陶言於敦曰周訪與侃  
親姻如左右手安有斷人左手而右手不應者乎敦  
意解乃設盛饌以餞之侃便夜發時王機盜據廣州  
侃至始興州人皆言宜觀察形勢侃不聽直至廣州  
遣督護討機走之廣州遂平侃在州無事輒朝運百  
甓於齋外暮運於齋內人問其故答曰吾方  
致力中原過爾優逸恐不堪事故習勞耳

### 集覽

第五

犄第五複姓犄其名也第五注見漢光武建武中元  
元年左轉猶言左遷也虞羊吏反風旨風讀曰諷微  
加曉告也始興漢武定南粵置曲江縣隸桂陽郡後  
漢置始興都尉宋改廣興齊復置始興隋改曰韶州  
百甓甓蒲歷反韻會瓠瓠謂之甓  
詩中唐有甓注鄭玄曰甌甌也

### 正誤

風旨今按

質

實

襄陽郡名注見齊和帝中興元年襄州漢沔二水  
名注見漢獻帝建安十二年宛縣名注見周赧王

十七年襄城郡名注見周赧王十五年廣州注見武帝太康元年交廣一統志云始興三國吳之郡名治曲江縣劉宋改為廣興郡齊復改為始興郡隋平陳郡廢以其地屬廣州唐置番州治曲江縣尋改為東衡州貞觀初改為韶州屬嶺南道天寶初復改始興郡後又改為韶州五代時屬南漢宋仍置韶州屬廣南東路元改置韶州路本朝初改為韶州府隸廣東道

書法

直書敦徒惡專也據前為荊州書敦表

# 冬十月漢寇馮翊陷之

劉曜寇北地進拔馮翊翹允軍於靈武以兵弱不敢進帝屢徵兵於相國保保左右皆曰蝮蛇螫手壯士斷腕今疆敵方盛且宜斷隴道以觀其變從事中郎裴詵曰今蛇已螫頭頭可斷乎保乃以胡崧行前鋒

都督須諸軍集乃發允欲奉帝往就保索絃曰保得  
天子必逞其私志乃止於是自長安以西不復貢奉  
百官饑乏採

**集覽**

北地注見漢哀帝建平元年靈武  
注見唐玄宗天寶十五載馮翊注

見漢武帝太初元年蝮蛇螫手蝮音福毒蛇也螫音  
釋行毒也蝮螫手則手斷楚辭招菑曰蝮蛇蓁蓁注  
蝮大蛇也山海經曰蝮蛇色如綬文大者百餘斤一  
名反鼻蛇採招招本作櫓通作旅漢光武本紀嘉穀  
旅生注旅寄也

**質實**

長安縣名注見  
漢惠帝五年

不因種而生

**張寔得璽獻之考異**

獻之當  
作來獻

涼州軍士得璽文曰皇帝行璽獻於張寔僚  
屬皆賀寔曰是非人臣所得留歸之長安

**質實**

涼州

注見唐中宗  
景龍二年

丙子四年

漢麟嘉元年

春二月漢殺其少府陳休等七人

漢中常侍王沈郭猗等寵幸用事漢主聰遊宴後宮或百日出政事一委相國祭惟殺生除拜乃使沈等入白沈等多自以其私意決之猗有怨於太弟又謂祭曰聞太弟與大將軍謀因上已大宴作亂今禍期甚迫宜早圖之殿下儻不信臣言可召大將軍從事王皮司馬劉惇許其歸首以問之必可知也祭許之猗密謂皮惇曰三王逆狀主上及相國具知之矣卿同之乎二人驚曰無之猗曰茲事已決吾憐卿親舊并見族耳因歎歎流涕二人大懼叩頭求哀猗曰相國問卿卿但云有之皮惇許諾祭問之二人至不同時而其辭若一祭以為信然靳準復說祭曰人告太弟為變主上必不信宜緩東宮之禁使賓客得往來太弟雅好待士必不以此為嫌輕薄小人不能無迎合為之謀者然後下官為殿下露表其罪收其賓

客考問之獄辭既具則主上無不信之理也祭乃命  
卜抽引兵去東宮少府陳休將軍卜崇為人清直沈  
等深疾之侍中卜幹謂休崇曰沈等勢力足以回天  
地卿輩自料親賢孰與竇武陳蕃休崇曰吾輩年踰  
五十職位已崇惟欠一死耳死於忠義乃為得所安  
能俛首低眉以事閹豎乎至是聰命收休崇及特進  
綦母達等七人誅之皆宦官所惡也卜幹泣諫王沈  
叱之聰怒免幹為庶人河間王易及陳元達等諫曰  
今遺晉未殄已蜀不賓石勒謀據趙魏曹嶷欲王全  
齊陛下心腹四肢何處無患乃復以沈等助亂誅巫  
咸戮扁鵲臣恐遂成膏肓之疾後雖救之不可及已  
請免沈等官付有司治罪聰以表示沈等笑曰羣兒  
為元達所引遂成癡兒聰問沈等於粲粲盛稱其忠  
清聰悅封沈等為列侯易又上疏極諫聰大怒手壞  
其疏易忿恚而卒易素忠直元達倚之為援得盡諫  
爭及卒元達哭之慟曰人之云亡邦國殄悴吾既不

復能言安用默默苟生乎歸而自殺既而聰宴羣臣引見太弟又見其憔悴涕泣陳謝聰亦慟哭待之如

初集覽

歸首漢書鼂錯入宮自歸正義曰自歸帝前首露引兵去東宮去年使卜抽將兵監守東

宮今命其離去竇武陳蕃竇武漢桓帝后父靈帝時與陳蕃謀誅宦官事世被害特進綦母達特進注見漢成帝鴻嘉元年綦母音其無複姓也名達巫咸商書序注巫咸臣名馬氏云殷之巫也名咸天官書太史公曰昔之傳天數者殷商巫咸正義曰巫咸殷賢臣本吳人冢在蘇州常熟西海隅山上子賢亦在焉扁鵲春秋時人姓秦名越人渤海郡鄭縣人為醫或在齊或在趙在趙者名扁鵲正義曰黃帝八十一難序云秦越人與軒轅時扁鵲相類故仍號為扁鵲又家於盧國因命曰盧醫按盧國今濟州縣膏肓之疾左傳成十年晉侯疾病求醫於秦秦伯使醫緩為之緩至曰疾在肓之上膏之下攻之不可達之不及藥



不至焉不可為也注育鬲也  
心下為膏說文心下鬲上也  
**質實**  
巴蜀二郡名巴注見周顯王五年蜀

注見漢後主建興三年竇武陳蕃事見漢靈帝

建寧元年河間國名注見漢帝立更始二年

**發明**

陳休等皆以忠直事人自以為盡節而死然失身敵庭則非其地矣故綱目止書殺休等

七人而不列叙其名者畧之也畧之者賤之也是以君子謹於擇主

代六脩弑其君猗盧普根討之而立尋卒鬱律立

初代王猗盧愛其少子比延欲以為嗣使長子六脩出居新平城而黜其母六脩來朝猗盧使拜比延六脩不從而去猗盧大怒帥衆討之兵敗遂為所弑猗色子普根攻六脩滅之代立國中大亂將軍衛雄箕澹與劉琨質子遵帥晉人及烏桓三萬家馬牛羊十萬頭歸於琨琨兵由是復振普根尋卒國人立鬱律

質實

烏桓東胡國名注見  
漢宣帝本始三年

張寔遣兵入援

張寔下令所部吏民有能舉其過者賞以布帛羊米  
賊曹佐隗瑾曰明公為政事無巨細皆自決之羣下  
畏威受成而已如此雖賞之千金終不敢言也謂宜  
少損聰明延訪羣下使各盡所懷然後采而行之則  
嘉言自至何必賞也寔悅從之增瑾位二等寔遣將  
軍王該帥步騎五千人援長安且送諸郡貢計詔拜  
寔都督陝集覽賊曹佐職  
西諸軍事主盜賊事

書法

前書張軌遣督護入衛矣又書張軌遣兵詣  
長安矣於是復書張寔遣兵入援張氏父子

可謂能事君矣備書予之書入援始此終綱目書  
入援十有五  
是年梁戊辰年湘東王繹邵陵王綸

鄱陽王範等韋粲等庚午年武陵王紀唐玄宗天寶十五載回紇于寘王肅宗寶應元年回紇德宗建中四年靈武諸道李晟僖宗廣明元年王處存王重榮昭宗乾寧二年王建三年李克用

**發明**

春秋之法凡書救未有不善者然於救之中又有不得而概論焉救在王室則罪諸侯子

突救衛是也救在遠國則罪四隣晉陽處父救江是也救在外蕃則罪中國狄救齊吳救陳是也是時諸蕃擾亂晉室危如累卵四方征鎮擁兵自固未聞有勤王之舉張寔遠在河西乃能遣兵入援綱目據事書之近地諸鎮得無愧乎美在遠者則責在近者此固書法之深意也吁

**石勒寇廩丘陷之考異**

石上漏漢字

劉演奔

**質實**

廩丘縣名注見

段氏

周顯王十六年

夏六月朔日食○秋七月漢劉曜陷北地進至涇陽

曜圍北地麴允救之曜使反間給允曰郡城已陷往無及也衆懼而潰曜追敗允遂取北地允性仁厚無威斷喜以爵位悅人諸郡太守皆領征鎮村塢主帥小者猶假銀青將軍之號然恩不及下故諸將軍驕恣而士卒離怨曜進至涇陽渭北諸城悉潰曜獲將軍魯克梁緯飲之酒曰吾得子天下不足定也克曰身為晉將國家喪敗不敢求生若蒙公恩速死為幸曜曰義士也與之劒令自殺緯妻辛氏美色曜將妻之辛氏大哭曰妾夫已死義不獨生且一婦人而事二夫明公又安用之曜曰貞女也亦聽自殺皆以禮葬

**質實**

北地郡名注見漢哀帝建平元年涇陽縣名注見周赧王四十九年

漢主聰立婢樊氏為后

樊氏故張后侍婢也聰立為上皇后三后之外佩皇后璽綬者復七人嬖寵用事刑賞紊亂大將軍數數涕泣切諫聰怒曰汝欲乃公速死邪何以朝夕生來哭人數憂憤而卒

### 書法

漢書立三后矣於是又以婢為后而位之上是何以母儀一國乎故綱目直書立婢而斥

名聰所以深惡之也立婢恥矣立其父婢又甚哉終綱目書立婢為后三漢主聰婢乙未年閏主璘丙申年閏主景並父婢

未有不斥其名者也

### 發明

聰之淫亂本無足責然藉其兵力僭號稱尊故其所為亦不容盡畧是以前書立三后此

書立婢樊氏皆以著其雜亂之醜也夫並后且為亂階况三后乎妾媵且不可為主况賤婢乎據事

直書惡

自見矣

# 漢大蝗

河東平陽大蝗民流殍者什五六石勒遣將屯并州招納流民歸之者二十萬戶聰遣使讓之勒不受命

## 質實

河東郡名注見漢獻帝建安七年平陽郡名注見周威烈王二十三年

冬十一月漢劉曜陷長安帝出降御史中丞吉朗死之

## 漢封帝為懷安侯考證

封當作廢

曜逼長安安定太守焦嵩新平太守竺恢引兵來救皆畏漢兵彊不敢進相國保遣胡崧入援擊曜於靈臺破之崧恐國威復振則麴索勢盛乃還槐里曜攻陷長安外城麴允索綝退守小城內外斷絕城中饑甚亡逃不可制惟涼州義衆千人守死不移太倉有麴數十麴允屑之為粥以進至是帝泣謂允曰今窮

厄如此外無救援當忍恥出降以活士民因歎曰誤  
我事者麴索二公也使侍中宗敞送降牋於曜繇潛  
留敞使其子說曜曰若許繇以車騎儀同萬戶郡公  
者請以城降曜斬而送之曰帝王之師以義行也孤  
將兵十五年未嘗以詭計敗人必窮兵極勢然後取  
之今繇所言如此天下之惡一也輒相為戮之帝乘  
羊車肉袒出降羣臣號泣攀車帝亦悲不自勝御史  
中丞吉朗歎曰吾智不能謀勇不能死何忍君臣相  
隨北面事賊庭乎乃自殺曜送帝於平陽漢主聽臨  
光極殿帝稽首於前允伏地慟哭聽怒囚之允自殺  
聽以帝為光祿大夫封懷安侯以曜為太宰假黃鉞  
督陝西封秦王贈允車騎將軍諡節愍侯斬繇於市  
于寶曰晉之亡也樹立失權託付非才四維不張而  
苟且之政多也夫基廣則難傾根深則難拔理節則  
不亂膠結則不遷昔之有天下者所以能長久用此  
道也今晉之興也其基本固異於先代矣加以朝寡

純德之入鄉之不貳之老風俗淫僻恥尚失所學者以莊老為宗而黜六經談者以虛蕩為辯而賤名檢行身者以放濁為道而狹節信進仕者以苟得為貴而鄙居正當官者以望空為高而笑勤恪是以劉頴屢言治道傳咸每糾邪正皆謂之俗吏而倚仗虛曠依阿無恥者名重海內由是毀譽亂於善惡之實情慝弄於貨欲之途選者為人擇官官者為身擇利其婦女不知女工任情而動逆舅姑殺妾媵父兄弗之罪也天下莫之非也禮法刑政於此大壞國之將亡本必先顛其此之謂乎故觀阮籍之行而覺禮教崩弛之所由察庾純賈克之爭而見師尹之多僻考平吳之功而知將帥之不讓思郭欽之謀而寤外蕃之有覺覽傳立劉毅之言而得百官之邪核傳咸之奏錢神之論而覩寵賂之彰民風國勢既已如此雖以中庸之才守文之主治之猶懼致亂况惠帝以放蕩之德臨之哉懷帝承亂得位羈以彊臣愍帝奔播之



後徒守虛名天下之勢既去非命世之雄才不能復取之矣

**集覽**

靈臺縣名屬安定今涇州縣莊

老注見成帝咸康三年老莊望空望名也猶言虛名

**正誤**

望空今按文選註引劉謙晉紀元康以來

望白署空顯以台衡之量蓋謂當官者不

**質實**

安定郡名

務實治事省審案牘但望空署白而已

注見漢光武建武元年新平郡名注見漢桓帝延熹

五年邠州一統志云靈臺古地名即古之密須國漢

為北地郡鶉觚縣地晉為鶉觚陰密二縣地屬安定

郡隋析置靈臺縣取文王伐密作靈臺之義後省入

鶉觚唐復置宋金仍舊元初省入涇州後復置以良

原縣省入本朝因之改屬平涼府麴索謂麴允索絀

也槐里縣名注見漢元帝永光元年懷安三國吳之

縣名分宛陵地置之晉屬宣城郡隋省之故城在寧

國府寧國縣西

南四十二里

# 書法

書帝出降與遷異矣既至平陽帝稽首翹允

慟哭

聽怒囚之允自殺其視庾珉王雋等耳

則何以不書允之慟哭義也囚而自殺則安知其非有不得已者乎固不可與朗之自殺同矣珉雋不書官朗何以書朗稱不忍北面事賊則固晉廷之臣也故特書官書死之

# 發明

懷帝書遷愍帝書出降各書其實也春秋凡國滅君死則止書滅或執或遷或殺則皆滅

國者之罪或以歸或出奔或降於師則皆不能死於其位者之罪此固書法不同之意而亦綱目之所本也晉氏失馭諸蕃侵擾四方無勤王之衆京邑無守禦之資愍帝勢窮力屈身為降虜雖有忍恥以活士民之語然辱亦甚矣綱目據事直書雖欲曲為隱諱不可得也然則強暴橫逆者獨無罪乎夫滅人家國奪人土地毀人宗廟其罪固無待於貶黜而後見况劉聰僭竊又匪其他滅國者之

比書之於冊亦以著非常之變哀晉國之不幸而已吉中丞自殺則書死節麴允亦自殺何以不書允任事大臣危不能持顛不能扶死自其分僅足以償誤國之罪故耳劉曜直書陷長安如入無人之境又以見晉之虛弱如此可勝歎哉吁

# 石勒寇樂平劉琨救之大敗樂平遂陷考異

石上漏漢字

石勒圍樂平太守韓據請救於劉琨琨新得猗盧之衆欲因其銳氣以討勒箕澹諫曰此雖晉民久淪異域未習明公恩信恐其難用不若閉關守險務農息兵琨不從命澹帥騎二萬為前驅琨屯廣牧為之聲援勒據險要設疑兵於山上前設二伏出輕騎與澹戰陽為不勝而走澹縱兵追之入伏中勒前後夾擊大破之澹奔代郡據棄城走并土震駭

## 集覽

并土并州境土也按并州今太原府是正義曰漢置

太原郡分

質實

一統志云樂平晉之郡名治樂平縣本漢之沾縣地屬上黨郡隋初郡廢

以縣屬遼州大業初改屬太原郡唐初置遼州於樂平後徙州治遼山宋陞為平晉軍尋廢復為樂平縣屬平定軍金陞軍為臯州尋廢以縣屬平定州元仍舊本朝因之改屬太原府并州注見齊明帝建武三年

十二月朔日食○劉琨長史以并州叛降石勒琨犇薊

司空長史李弘以并州降勒琨進退失據段匹磾遣信邀之琨帥衆犇薊匹磾見琨甚相親重與結婚約

為兄

質實

薊縣名注見漢帝立更始二年

石勒以李回為高陽守考異

石上漏漢字

勒遣孔萇攻賊帥馮睹久而不克流民數萬戶在遼  
西迭相招引民不安業勒問計於張賓賓曰馮睹本  
非公仇流民亦皆戀本今班師振旅選良牧守使招  
懷之則幽冀之寇可不日而清遼西流民將相帥而  
至矣勒乃召萇歸以李回為高陽太守

**集覽**

馮睹姓名也睹陟魚

守睹帥其衆降流民歸者相繼於道  
反振旅公羊傳莊八年甲午祠兵祠兵者何出曰祠  
兵入曰振旅其禮一也皆習戰也注云禮兵不徒使  
故將出兵必祠於近郊陳兵習戰殺生饗士卒其禮  
一者言將出不嫌不習故以祠兵言之將入嫌於廢  
之故以振訊士衆言之祠兵壯者在難在前也振  
旅壯者在後復長幼且衛後也又注見漢宣帝神爵  
二年

**質實**

一統志云高陽古地名漢置高陽縣屬涿郡  
東漢屬河間國三國魏置高陽郡隋罷郡以

縣置蒲州尋罷唐初復置蒲州貞觀初州罷以縣屬  
瀛州宋熙寧中省為鎮尋復為縣金屬莫州後屬安

州元仍舊本朝因之改屬保定府  
遼西郡名注見漢獻帝建安十年

# 丞相睿出師露次移檄北征

睿聞長安不守出師露次躬擐甲胄移檄四方刻日  
北征以漕運稽期斬督運令史淳于伯刑者以刀拭  
柱血流上至柱末二丈餘而下觀者咸以為冤司直  
劉隗上言伯罪不至死請免從事中郎周筵等官於  
是王導等引咎請解職睿曰政刑失中皆吾闇塞所  
致一無所問隗性剛訐當時名士多被彈劾睿率皆  
容貸由是衆怨歸之南中郎將王含敦之兄也以族  
彊位顯驕傲自恣隗奏含文致甚苦事雖被寢而王  
氏深忌  
**集覽** 露次注見漢獻帝興平二年躬擐擐胡  
疾之 慣反貫也左傳擐甲執兵文致持法深  
刻謂之文以文法致  
人於罪謂之文致

書法

征伐不書出師書出師何遷延也若曰睿無北伐之志徒見出師露次移檄北征而已矣

是故睿無北伐之志則書曰出師露次移檄北征

是年

高駢無討賊之實則書曰移檄討賊出屯東

塘

唐僖宗中和元年皆譏其非誠也終綱目書移

書一

洪獻帝初平二年移檄七詳初平二年惟睿

及高駢

書出次

發明

當長安危蹙之際琅邪初無救援之意及聞其不守始出師露次移檄北征大書於冊若

足示勤王之舉然亦卒不聞有征討之實是特張大虛聲而已綱目於此雖曰幸之蓋亦惜之也比

事觀之其

義自見

丞相睿以邵續為冀州刺史劉遐為平原內史質實

冀州

注見秦二世二年信都平原  
國名注見漢光武建武五年

遐續女嬀也聚

衆河濟之間

丁丑 中宗元皇帝建武元年

漢麟嘉二年○涼元公張寔  
稱建興五年○舊大國一并

成小國一新小

考異

提要帝下注睿字按歲年例曰凡  
正統朱書國號諡號君名年號又

國一凡三僭國

君名下注曰即位在今年內者用之則此當依提要而  
大書睿字於帝字之下然中宗元皇帝睿建武八字皆

當用

白字

春正月張寔遣司馬韓璞將兵伐漢

黃門郎史淑自長安奔涼州稱愍帝出降前一日使  
淑齎詔賜張寔拜涼州牧承制行事且曰朕已詔琅  
邪王時攝大位君其協贊共濟多難淑至姑臧寔大  
臨三日辭官不受初寔叔父肅為西海太守聞長安



危逼請為先鋒入援寔以其老弗許及是肅悲憤而卒寔遣司馬韓璞等帥步騎一萬東擊漢遺相國保書曰王室有事不忘投軀前遣賈騫瞻公舉動中符合命敕騫還軍會聞朝廷傾覆為忠不遂憤痛之深死有餘責今遣璞等惟公命是從璞等卒不能進而還先是長安謠曰秦川中血沒腕惟有涼州倚柱觀及漢兵覆闕中氐羌掠隴右雍秦

### 集覽

姑臧縣屬武威郡在河西

之民死者什八九獨涼州安全

括地志云姑臧在羌胡中最高富饒按武威今西涼州是也倚柱觀觀去聲諦視也倚柱而觀閑雅貌猶言袖手傍觀荀子性惡篇倚

### 質實

一統志云姑臧漢之縣名為武威郡

而觀天下注倚觀猶坐觀也

治所晉隋俱因之唐涼州治焉後廢之故址在陝西行都司涼州衛城東二里西海晉之郡名治居延縣隋唐以來或置或廢宋時夏立威福軍元立亦集乃路總管府領山丹西寧二州本朝初廢之故城在陝

西肅州東北五百一十里涼

州注見唐中宗景龍二年

書法

於是璞等竟不能進而還矣書伐漢何子義也張氏父子之事綱目悉書之所以勸義也

發明

自諸蕃交亂懷愍蒙塵未聞遠近有勤王之師獨張寔前曰遣兵入援至於長安不守諸

軍逃散惟涼州義衆守死不移今又遣將伐賊雖卒不能進然綱目書之若真能伐漢然者蓋予其忠義之節所以遂其本志云爾

書法若此其為斯世勸也多矣

二月漢寇滎陽太守李矩擊敗之

漢劉暢帥兵三萬攻滎陽矩未及為備乃遣使詐降暢不復設備矩欲夜襲之士卒皆疑懼乃遣其將郭誦禱於子產祠使巫陽言曰子產有教當遣神

兵相助衆皆踴躍爭進掩擊暢營暢僅以身免

質實

滎陽郡名注見秦莊襄王元年一統志云子產祠在開封府新鄭縣西通鑑云子產鄭大夫國僑也

### 三月丞相魯即晉王位考證

下當補書立宗廟社稷○謹按凡例曰凡宗廟之禮

建置更革皆書東漢之興也建武二年立宗廟郊社於洛陽昭烈即位立宗廟祫祭高皇帝以下東晉開百年之基立宗廟社稷但見於分註今故

厯考事例當大書以備一代之禮也

弘農太守宋哲為漢所攻棄郡奔建康稱受愍帝詔令丞相魯統攝萬機魯素服出次舉哀三日官屬上尊號不許固請不已魯慨然流涕曰孤罪人也君見逼不已當歸琅邪耳命駕將歸國請依魏晉故事稱晉王乃許之遂即位改元置百官立宗廟建社稷有司請立太子王愛次子宣城公裒欲立之謂王導曰立子當以德導曰世子宣城俱有朗雋之美而世子年長王從之立世子紹為王太子封裒為琅邪王奉

恭王後鎮廣陵以西陽王叢為太保封譙王遜之子  
承為譙王王敦為大將軍王導為揚州刺史領中書  
監錄尚書事刁協為僕射周顗為吏部尚書賀循為  
太常時承喪亂之後江東草創協久宦中朝諳練舊  
事循為世儒宗明習禮

**集覽**

出次次喪次也禮孝子

學凡有疑議皆取決焉

次中門之外賈氏曰凡

言次者倚廬堊室以下總名孝子次於中門

**質實**

弘農

外者哀親之在外也哀蒲侯反叢餘亮反

郡名注見周顯王四十五年陝宣城郡名注見漢明  
帝永平十三年丹陽西陽國名注見懷帝永嘉元年  
譙國名注見漢獻帝建安十五年廣陵郡名注見漢  
武帝元朔五年朗雋之美未詳其義按釋名云朗明  
也雋

偉也

劉琨慕容廆皆遣使勸進

劉琨段匹磾相與歃血同盟翼戴晉室琨檄告華夷  
遣右司馬溫嶠奉表詣建康勸進琨謂嶠曰晉祚雖  
衰天命未改吾當立功河朔使卿延譽江南行矣勉  
之嶠至建康王導周顗庾亮等皆愛其才爭與之交  
王以慕容廆為龍驤將軍大單于昌黎公廆不受處  
士高詡曰霸王之資非義不濟今晉室雖微人心猶  
附之宜遣使江東示有所尊然後杖大義以征諸部  
不患無辭矣廆從之遣長史王濟浮海詣建康勸進

**集覽**

勸進勸勉進上尊號也延譽延引也譽去聲延  
譽猶言傳名也行矣漢書注顏師古曰行矣猶

言好去也詡況羽反杖大義杖上聲持也漢書扶  
義而西注顏師古曰扶或作杖杖者倚任之意也  
**誤**勸進今按言勸**質實**歃血注見周赧王五十七年  
之升即帝位也昌黎縣名注見武帝太康二

年溫嶠太原  
祁人嶠之子

書法

書勸進何正統也故雖未即帝位特書元年終綱目書勸進者惟晉元帝漢主知遠而已

發明

現中國也廐外蕃也合而書之者嘉廐能尊主知義所謂不與狡焉起釁者同其悖也

夏四月漢主聰殺其太弟乂

相國粲使其黨謂乂曰適奉中詔云京師將有變宜衷甲以備乂信之命宮臣皆衷甲粲遣告靳準王沈準白漢主聰曰太弟將為亂已衷甲矣聰於是誅東宮官屬阮士卒萬五千餘人廢乂為北部王粲尋使準殺之乂形神秀爽寬仁有器度故士心多附之聰聞其死哭之慟曰吾兄弟止餘二人而不相容安得使天下知

集覽

王沈姓名

質實

衷甲注見梁武帝太清二年

吾心邪

沈音審

五月日食○六月豫冀青寧等州皆上表勸進

豫州牧荀組及冀州刺史邵續青州曹

**質實**

張九韶曰晉時

崑寧州王遜等皆上表勸進王不許

豫州治項城注見秦莊襄王元年三川冀州治趙郡

注見秦二世二年信都青州治臨淄注見漢桓帝永

康元年寧州治雲南注見

漢武帝元狩元年滇國

# 祖逖取譙城漢石虎入寇逖擊走之

初流民張平樊雅各聚衆在譙為塢主王之為丞相也遣行參軍桓宣說而下之及逖屯蘆洲使參軍殷乂詣平雅乂意輕平視其屋曰可作馬廐見大鑊曰可鑄鐵器平曰此乃帝王鑊天下清平方用之乂曰卿未能保其頭而愛鑊邪平大怒於坐斬乂勒兵固守逖攻之歲餘不下乃誘其部將使殺之雅猶據譙城逖攻之不克南中郎將王含遣桓宣將兵助逖逖謂宣曰卿信義已著於彼今復為我說雅宣乃單馬

從兩人詣雅曰祖豫州方欲平蕩劉石倚卿為援前  
殷又輕薄非豫州意也雅即詣降逖既入譙城石勒  
遣石虎圍譙舍復遣宣救之虎解去逖表宣為譙國  
內史晉王傳檄天下稱石虎敢帥甲兵渡河侵擾今  
遣琅邪王裒等水陸四道徑造賊場受  
逖節度尋復召裒還建康數月而卒  
質實一統志云譙城  
在開封府夏邑縣西北三十一里晉祖逖屯淮陰進  
據大丘城遂克譙城而居之謂此桓宣譙國鉅人蘆  
洲未詳  
處所

秋七月大旱蝗河汾溢質實

河汾二水名河注見梁武帝天監十五年汾注見漢

獻帝建安七年

○漢立子粲為太子

書法

晉世僭國立太子不悉書必有故而後書書立粲志準弒也



○劉琨段匹磾討石勒未行而罷

匹磾推琨為大都督檄其兄遼西公疾陸眷及叔父涉復辰弟末柸等共討石勒末柸說眷辰曰以父兄而從子弟恥也各引兵還  
**質實** 薊縣名注見漢書  
匹磾不能獨留亦還薊  
帝立更始二年

**書法**

未卒事不書此其書何予義也

杜曾攻陷楊口周訪討破之

鄭攀等相與拒王廙衆心不一攀懼請降杜曾亦請擊第五猗以自贖廙將赴荊州留長史鎮楊口壘竟陵內史朱伺謂廙曰曾猾賊也外示屈服宜大部分未可便西廙矜厲自用以伺為老怯遂行曾等果還攻楊口陷之乘勝徑造沔口廙使豫章太守周訪擊之訪有衆八千進至沌陽使將軍李桓督左甄許朝

督右甄自領中軍曾先攻左右甄訪於陳後射雉以  
安衆心令其衆曰一甄敗鳴三鼓兩甄敗鳴六鼓自  
旦至申兩甄皆敗訪選精銳八百人自行酒飲之敕  
不得妄動聞鼓音乃進曾兵未至三十步訪親鳴鼓  
將士皆騰躍奔赴曾遂大潰訪夜追之諸將請待明  
日訪曰曾驍勇能戰向者彼勞我逸故克之宜及其  
衰乘之可滅也乃鼓行而進遂定漢沔曾走保武  
當廩始得至荊州訪以功遷梁州刺史屯襄陽

集

覽

拒王廙事詳見前年竟陵內史竟陵郡名也內史  
官名沱陽江夏郡安陸縣有沱水其地曰沱陽屬

荊州沱柱充反左甄軍號也甄居延反武當均州縣  
後魏改均州為武當郡荊州記云武當山在武當縣  
南二百里武當記

質實

竟陵郡名注見孝武太元六  
年楊口壘未詳處所沔口注

云山周迴五百里  
見漢獻帝建安十三年一統志云沱陽晉之縣名為  
江夏郡治所唐廢之故縣址在漢陽府城西六十里

臨嶂山下武當漢之縣名屬南陽郡三國魏屬南鄉郡晉屬順陽郡後魏置武當郡尋廢南齊置始平郡後改齊興郡梁兼置興州後周改曰豐州隋初廢郡改州曰均州大業初州廢以縣屬淅陽郡唐初復置均州天寶初改武當郡乾元初復為均州宋置武當軍元復為均州皆治武當縣本朝省縣入州改屬襄陽府

冬十一月朔日食○以劉琨為太尉○立太學

征南軍司戴邈上疏以為世道久喪禮俗日弊猶火消膏莫之覺也今王業肇建萬物權輿謂宜篤道崇儒以勵風化王從之

十二月漢主劉聰弑帝於平陽辛寅死之

漢主聰出畋以愍帝行車騎將軍戎服執戟前導見者指之曰此故長安天子也故老有泣者太子粲言於聰曰昔周武王豈樂殺紂乎正恐同惡相求為患故也不如早除之聰曰前殺庾珉輩而民心猶如是吾未忍也且小觀之十二月聰饗羣臣使帝行酒洗爵已而又使執蓋晉臣涕泣有失聲者尚書郎辛賓起抱帝大哭聰斬之洛陽守將趙固河內太守郭默侵漢河東揚言曰要當生縛劉粲以贖天子帝遂遇害諡曰

集覽

庾珉先劉聰使懷帝行酒庾珉號泣被殺懷帝亦遇害

質實

平陽郡名

注見秦王政十四年洛陽縣名注見周顯王三年河內郡名注見楚義帝元年河東郡名注見漢獻帝建安七年

書法

於是漢暴使帝賓起抱帝大慟聰殺之趙固揚言欲贖天子帝遂遇害是先殺賓也先書

弑帝何先書弑帝所以見賓之死為帝而死也大書死之其為死節之勸深矣

**發明**

凡偽國書某王某今懷愍之禍劉聰兩書姓書名者聰受爵在朝臣服於晉乃乘時竊發躬行大惡故揭姓名以誅其弑逆之罪耳豈得以偽國之例而比之哉一字之間蓋有深意矣

**王命課督農功**

王命課督農功二千石長吏以入穀多

**質實**

殿最注見漢武

帝元鼎四

年課殿

**河南王吐谷渾卒**

吐谷渾者慕容廆之庶兄也父涉歸分戶以隸之及廆嗣位二部馬關廆遣使讓之曰分建有別何不相

遠異渾怒曰馬鬪乃其常何至怒人欲遠別甚易恐後會為難耳遂帥其衆西徙虜遣長史追謝之渾遂四傳陰山而居屬永嘉之亂因度隴據洮水之西極於白蘭地方數千里鮮卑謂兄為阿干虜追思之為之作阿干之歌渾有子六十人長集覽吐谷渾西域字吐延嗣吐延有勇力羌人畏之東鮮卑從河涉歸之庶長名吐谷渾即慕容庶兄也吐谷渾長子吐延吐延子葉延保于白蘭以為禮公孫之子得以王父字為氏乃號其國曰吐谷渾姓慕容氏渾胡昆反四傳讀曰附白蘭羌種名吐蕃謂之丁零左屬党項右接多彌或曰亦吐谷渾之別種也

正誤

吐谷渾今按吐當作他骨切

質

實

陰山注見秦王政三年洮水注見漢後主延熙十二年

戊寅 太興元年

漢主劉曜光初元年

春遼西公段疾陸眷卒

疾陸眷子幼叔父涉復辰自立  
末桎乘虛襲殺之自稱單于

### 書法

卒疾陸眷何子義也綱目於  
段氏每詳之義焉而已矣

## 三月王即皇帝位

愍帝凶問至建康王斬纓居廬百官請上尊號不許  
紀瞻曰晉氏統絕於今二年兩都燔蕩宗廟無主劉  
聰竊號於西北而陛下高讓於東南此所謂揖讓而  
救火也王猶不許使殿中將軍韓績撤去御坐瞻叱  
績曰帝座上應星宿敢動者斬王為之改容奉朝請  
周嵩上疏曰古之王者義全而後取讓成而後得是  
以享世長久今梓宮未返舊京未清宜開延嘉謀訓  
卒厲兵先雪太恥副四海之心則神器將安適哉由  
是忤旨出為新安太守嵩顗之弟也王遂即皇帝位  
百官皆陪列命王導升御床共坐導固辭曰若太陽

下同萬物蒼生何由仰照乃止大赦文武增位一等  
帝欲賜諸吏投刺勸進者加位二等民投刺者皆除  
吏凡二十餘萬人散騎常侍熊遠曰陛下應天繼統  
率土歸戴豈獨近者情重遠者情輕不若依漢法徧  
賜天下爵於恩為普且可以息檢

集覽

居廬喪大記  
曰父母之喪

覈之煩塞巧偽之端也帝不從  
居倚廬不塗寢苦枕塊賈氏曰古者父母之喪倚木  
為廬在中門之外東方北戶東倚牆西至地以為廬  
而居之無楣柱既虞之後楣柱翦屏乃西向開之今  
所謂樸陋之室殺古倚廬之制也神器注見漢光武  
建武六年陪列猶言陪位爾雅釋言曰陪朝  
也注陪位為朝投刺投上刺書也刺七賜反  
質實  
韓

吳郡嘉興人熊遠豫章南昌人新安  
郡名注見漢獻帝建安十三年新都

書法

書即皇帝位何正統也終綱目書即皇帝位  
四漢書高祖光武昭烈晉則元帝舍是無書



即皇帝位者矣

**發明**

繼統與創業不同臣前已論之矣今周嵩所言與費詩同旨固不為無見然特未知紹續

之意耳五代劉崇僭立謂其臣曰朕以周祖之一朝墜地今日位號不得已而正之崇雖僭竊其言蓋亦有理此綱目於光武昭烈元帝未混一時所以皆書即皇帝位而無嫌者正以幸其繫人心續正統副四海依歸之望慰祖宗在天之靈固不得與其他妄自尊大者比也

**立王太子紹為皇太子考證**

立當作更○謹按凡例曰更曰更某為某註云漢更

王太子為皇太子此當比漢例立當作更

紹仁孝喜文辭善武藝好賢禮士容受規諫與庾亮溫嶠等為布衣之交亮風格峻整善談老莊帝器重

之聘其妹為紹妃使亮侍講東宮帝好刑名家以韓非書賜太子亮諫曰申韓刻薄傷化不足留聖心太子納

**集覽**

善談老莊注見成帝咸康三年習尚老莊好刑名家注見漢景帝元年申韓刻薄楊

子問道篇曰申韓之術不仁之至矣又注見漢武帝建元元年

以慕容廆為龍驤將軍大單于

廆以游邃為龍驤長史劉翔為主簿命邃創朝儀裴嶷曰晉室衰微介居江表中原之亂非明公不能拯也今諸部雖各擁兵然皆頑愚相聚宜以漸并取為西討之資廆以為長吏委以軍國之謀諸部弱小者稍稍擊

**集覽**

裴嶷姓名疑牛己反

以李矩都督河南軍事

滎陽太守李矩使郭默郭誦救趙固誦潛遣其將耿  
稚等夜襲漢營漢軍驚潰死傷大半太子繁走保陽  
鄉稚等據其營獲器械軍資不可勝數漢主聰使太  
尉范隆帥騎助之稚等殺其所獲牛馬焚其軍資突  
圍犇虎牢詔以矩都**質實**滎陽郡名注見秦莊襄王  
督河南三郡諸軍事元年虎牢關名注見帝奕  
太和四年河南郡名注見秦莊  
襄王元年三川李矩平陽人

漢螽斯則百堂災質實

螽斯詩螽斯篇螽斯羽詵詵兮  
宜爾子孫振振兮注螽蝗屬長

而青長角長股能以股相  
切作聲一生九十九子

燒殺漢主聰  
子二十一人

書法

火災非宮闕宗廟不書堂也何以書  
著聰滅也於是聰子死者二十一人

# 張寔遣使上表

都尉陳安叛相國保舉兵逼上邽保遣使告急於張寔寔遣步騎二萬赴之軍至新陽聞愍帝崩保謀稱尊號破羌都尉張詵言於寔曰南陽忘大恥而亟欲自尊必不能成功晉王近親且有名德當帥天下以奉之寔從之遣牙門蔡忠奉表詣建康比至帝已即位然寔竟不用江東年號猶稱建興

**集覽**

南陽

謂南陽王保

**質實**

上邽縣名注見漢光武建武八年一統志云新陽三國吳之縣名屬長沙郡晉

末改為新康縣屬衡陽郡隋省之故城在長沙府城西南一百二十六里

**書法**

寔自嗣立一書得璽獻之愍帝建興三年一書遣韓璞將

兵伐漢建武元年於是書遣使上表皆予其忠也寔可謂世篤忠貞矣

夏四月朔日食○加王導驃騎大將軍開府儀同三司

導遣從事行揚州郡國還見各言二千石官長得失

獨顧和無言導問之和曰明公作輔寧使網漏吞舟

何緣採聽風聞以察察

**集覽**

從事行揚州郡國從事將軍之屬官也行音下

為政邪導咨嗟稱善

孟反循行也謂至揚州所隸郡國有所按察也察察

為政謂用明太過也老子曰俗人察察我獨悶悶其

政悶悶其民醇醇其政察察其民缺缺林希逸

口義云悶悶者不作聰明也察察者煩碎也

**質實**

顧和吳郡人衆之族子揚州

注見漢獻帝興平二年金陵

成丞相范長生卒

長生博學多藝能年近

百歲蜀人奉之如神

書法

成自立國以來至是十有五年綱目書成政事不一二而卒其臣者再錄賢也終綱目卒

僭國臣二十有二晉氏居九成有二焉何地不生才信哉

漢殺其尚書令王鑒中書監令崔懿之曹恂

中常侍王沈養女有美色漢主聰立以為左皇后鑒及中書監崔懿之中書令曹恂諫曰借使沈之弟女刑餘小醜猶不可以塵污椒房況其家婢邪聰大怒收斬之鑒等臨刑沈以杖叩之曰庸奴復能為惡乎鑒瞋目叱之曰豎子滅大漢者正坐汝鼠輩與靳準耳懿之謂準曰汝心如梟鏡必為國患汝既食人亦當集覽刑餘小醜王沈乃宦官刑餘之人也說文食汝曰醜可惡也此云小醜憎惡之稱也記曲禮曰刑人不在君側註為怨恨為害也公羊傳曰君子不近刑人近刑人則輕死之道椒房注見漢昭帝

始元四年汝心如梟鏡前漢郊祀志古者天子常以春解祠祠黃帝用一梟破鏡注孟康曰梟鳥名食母破鏡獸名食父黃帝欲絕其種類故使百吏祠皆用之或云直用破鏡也破鏡如羆而虎眼如淳曰漢使東郡送梟五月五日為梟羹以賜百官以其惡鳥故食之梟堅堯反鏡本作獍音敬

## 五月段匹磾殺太尉廣武侯劉琨

初琨世子羣為段末柸所得末柸厚禮之許以琨為幽州刺史欲與之襲匹磾密遣使齎羣書請琨為內應為匹磾邏騎所得時琨別屯征北小城不知也來見匹磾匹磾以書示琨曰意亦不疑公是以白公耳琨曰與公同盟庶雪國家之恥若兒書密達亦終不以一子之故負公而忘義也匹磾雅重琨初無害琨意將聽還屯其弟叔軍諫之遂留琨會代郡太守辟閭嵩潛謀襲匹磾事世匹磾收琨縊殺之琨從事盧

湛等帥琨餘衆依末桎朝廷以匹碑尚彊冀其能平  
河朔乃不為琨舉哀溫嶠表琨盡忠帝室家破身亡  
宜在褒恤後數歲乃加贈太尉諡曰愍於是夷晉皆  
不附匹碑嶠之詣建康也其母崔氏固止之嶠絕裾  
而去既至屢求返命朝廷不許會琨死除散騎侍郎  
嶠聞母亡阻亂不得奔喪固讓不拜苦請北歸詔曰  
今桀逆未梟諸軍奉迎梓宮猶未得進嶠  
可以私難而不從王命邪嶠不得已受拜

**集覽**

辟閭  
嵩元

和姓纂云衛文公支孫以居楚

**質實**

廣武縣名注見  
漢高帝七年

**書法**

具官何予義也琨自書并州刺史綱目凡十  
一書遣劉希合衆則書王浚殺之劉曜襲晉

陽則書奔常山石勒攻樂平則書救之大敗樂平  
遂陷長史以并州叛則書奔薊與匹碑討石勒則  
書未行而罷殆亦無一大快人意其餘書為大將  
軍書為司空書為太尉書上表勸進耳綱目於其



遇害具官書太尉廣武侯則亦惟其乃心帝室而已矣書匹磾殺罪匹磾也綱目於段氏有取焉功罪不相掩可也

**發明**

匹磾鮮卑之部乃心帝室亦甚可嘉然不思戮力共功之義遂至戕害督將則其餘不足

觀矣書殺太尉廣武侯劉琨予琨所以誅匹磾也其旨明矣

**青州刺史曹窳叛降石勒**

初窳既據青州乃叛漢來降又

**質實**

青州注見漢桓帝永康元年建

康郡名注見漢獻帝興平二年

**六月以刁協為尚書令**

協性剛悍與物多忤與侍中劉隗俱為帝所寵任欲矯時弊每崇上抑下排沮豪強故為王氏所疾諸刻碎之政皆云隗協所建協又使酒侵毀公卿見者側目

秋七月代王鬱律擊劉虎破之

劉虎侵拓跋西部鬱律擊之虎走出塞其部落降於鬱律於是鬱律西取烏孫故地東兼勿吉以西士馬精彊雄

**集覽**

拓跋注見武帝咸寧元年烏孫注見漢武帝元狩元年勿吉東胡種名

漢主聰卒太子粲立八月靳準弑而代之石勒引兵討準冬十月劉曜自立於赤壁封勒為趙公

漢主聰寢疾徵劉曜石勒受遺詔輔政皆固辭乃以曜為丞相領雍州牧勒為大將軍領幽冀牧上洛王

景濟南王驥並錄尚書事斬準為大司空皆迭決奏  
事聰卒祭即位改元漢昌聰后四人皆年未二十祭  
多行無禮斬準陰有異志私謂祭曰如聞諸公欲行  
伊霍之事宜早圖之祭乃收景驥等殺之遊宴後宮  
軍國之事一決於準八月準遂勒兵升殿執祭殺之  
劉氏男女無少長皆斬東市發淵聰二陵斬聰屍焚  
其廟自號大將軍漢天王謂胡嵩曰劉聰豈可以為  
天子者今以傳國璽付汝還如晉家嵩不敢受準殺  
之遣使告司州刺史李矩曰劉淵屠各小醜矯稱天  
命使二帝幽沒輒率衆扶持梓宮請以上聞矩馳表  
聞詔遣太常韓肩等奉迎梓宮準欲以王延為左光  
祿大夫延罵曰屠各逆奴何不速殺我以吾左目置  
西陽門觀相國之入也右目置建春門觀大將軍之  
入也準殺之曜聞亂自長安赴之勒帥精騎五萬以  
討準據襄陵北原準數挑戰勒堅壁以挫之十一月  
曜至赤壁即皇帝位以勒為大司馬加九錫進爵為

趙公勒進攻準於平陽巴及羌羯降者十餘萬落勒皆徙於所部

**集覽**

行伊霍之事伊尹霍光廢

立之事也殷帝太甲既立不明伊尹放之桐宮三年後太甲悔過又從而立之漢霍光立昌邑王賀賀行淫亂光遂廢賀而立病已是為宣帝東市刑人之所也劉淵屠各小醜劉淵劉聰之父也匈奴人故曰屠各小醜屠各注見漢桓帝質實一統志云上洛漢之延熹元年小醜注見前年質實縣名屬弘農郡晉置上洛郡後魏置洛州後周改洛州為商州取古商於地為名隋復為上洛郡唐初復為商州天寶初為上洛郡乾元初復為商州屬關內道宋屬永興軍路元屬安西路本朝改州為縣仍屬西安府濟南國名注見漢景帝三年襄陵縣名注見周顯王十八年赤壁水名源發平陽府趙城縣霍山西南流至岳陽縣西漏崖入地過南三十里復出合澗水

發明

諸蕃之禍始於淵成於聰生民屠戮不可勝紀然身死子弑如出一轍國亦尋滅綱目據

事直書雖不明言其應而應固已在中矣○嗚呼晉雖微弱天所立也其休戚存亡與天地相為流通而劉聰以臣服之餘乃敢執而困辱之而又繼之以淫亂聰命于宵小是誠不可以為天下主矣假手於靳準屠其族戮其屍禍及其父骨火延其宗廟嗚呼天所以報劉聰之辱二帝者亦畧相當矣天道之昭昭如此後之人可不畏哉

十一月日夜出高三丈

書法

前書有三日相承東行矣於是又書日夜出高三丈日之異莫甚於此者晉之中世何多

變哉

○以王敦為荊州刺史○詔州郡秀孝復試經策

時詔羣公卿士各陳得失御史中丞熊遠上疏以為  
劉石縱橫梓宮未返而不能遣軍進討一失也羣官  
不以讐賊未報為恥務在調戲酒色而已二失也選  
官用人不料實德惟在白衣選求才幹惟事請託當  
官者以治事為俗吏奉法為苛刻盡禮為諂諛從容  
為高妙放蕩為達士驕蹇為簡雅三失也世所惡者  
陸沈泥滓時所善者翱翔雲霄是以萬機未整風俗  
偽薄朝廷以從順為善相違見貶安得朝有辨爭之  
臣士無祿仕之志乎古之取士敷奏以言今光祿不  
試甚違古義又舉賢不出世族用法不及權貴是以  
才不濟務姦無所懲若此道不改求以救亂難矣先  
是帝欲慰悅人心州郡秀孝至者不試皆署吏尚書  
陳頤亦上言宜循舊制試以經策從之仍詔不中科  
者刺史太守免官於是秀孝皆不敢行其有到者亦

託疾比三年無就試者帝欲特除孝廉已到者官尚  
書郎孔坦以為近郡懼累君父皆不敢行遠郡冀於  
不試冒昧來赴若加除署是為謹身者失分僥倖者  
得官頗風傷教恐從此始不若一切罷之而為之延  
期使得就學則法均而令信  
**集覽** 聽申聽從也申與  
矣帝從之聽申至七年乃試  
期  
**質實** 梓宮注見漢安  
帝延光四年

# 十二月漢將軍喬泰討斬準斬之考異

按凡例治其臣子之叛亂者討

而殺之曰誅據下斬明  
書誅此斬字亦當作誅

斬準使侍中卜泰送乘輿服御請和於石勒勒囚泰  
送於漢主曜曜謂泰曰先帝末年實亂大倫司空行  
伊霍之權使朕及此其功大矣若早迎大駕者當悉  
以政事相委況免死乎泰還言之準未從將軍喬泰

等相與殺準推斬明為主遣卜泰奉傳國六  
**質實**六

注見漢靈帝

中平六年

# 琅邪王煥卒

煥鄭夫人之子時生二年矣帝愛之以其疾篤故王  
之及薨帝備吉凶儀服營起園陵功費甚廣右常侍  
孫霄諫曰古者凶荒殺禮況今喪亂憲章舊制猶宜  
節省而禮典所無顧崇飾如是乎竭已罷之民營無  
益之事殫已困之財修無用**質實**琅邪國名注見宋  
之費此臣之所不安也不從文帝元嘉六年

## 書法

琅邪王褒卒不書詳建武元年書煥卒何譏  
也二帝梓宮未返而越禮過情於無服之殤

是以譏之



發明

於時梓宮未返國步多艱乃以成禮葬襁褓之物何哉特書其卒蓋譏之也

彭城內史周撫叛降石勒詔下邳內史劉遐泰山太守

徐龕討之質實

彭城郡名注見秦始皇二十八年周撫潯陽人訪之子下邳國名注見漢高帝

六年泰山郡名注見秦始皇廿八年

○石勒攻拔平陽斬明犇赤壁漢主

曜族誅之

靳明屢敗遣使求救於漢漢主曜使人迎之明帥平陽士女萬五千人犇漢曜收靳氏男女皆斬之石勒焚平陽宮室修二陵收柩已質實

平陽郡名注見秦王政十四年

下百餘口塋之置戍而歸

御批資治通鑑綱目卷十八

謹案第十五頁前三行漢沾縣城也刊本沾訛治  
據唐地理志改又按此并州之樂平也石勒所  
奔非此樂平當從質實為正

第十五頁前五行樂平漢之縣名屬東郡東漢省  
之按後漢郡國志東郡樂平侯國故清章帝更  
名則是前漢未嘗有樂平而東漢始有之也晉  
尚有樂平屬陽平郡何得言東漢省之乎此誤  
第三十五頁後八行詡之曾孫刊本脫曾字據賈

足傳增

第四十三頁後五行開元十一年京兆刊本京兆  
訛汝南郡今改

第四十五頁前三行省中本河關之西南羌地按  
王澄時督荊州而徙治省中豈得遠徙之河關  
乎此當是沮中之誤


第六十一頁前行魚力反刊本訛吾已反據廣  
韻改

第七十五頁前一行子產鄭大夫國僑也按白虎  
通公孫之子以王父字為氏子產稱公孫僑不  
當稱國僑此誤

第七十五頁前六行君見逼不已按元帝紀作諸  
賢見逼不已此君字上亦當有諸字

第八十一頁前六行帝座上應星宿刊本星宿作  
列星據紀瞻傳改





總校官庶吉士臣張能照

校對官檢討臣郭寅

謄錄監生臣張元信